


天下郡國利病書卷一百四

成

山頭炎武寧九輯



古昔伊尹正南方獻合有所謂里焉里者蠻之別洛後漢時謂之俚人南裔異物志謂俚在廣州之南俗呼俚為黎義取山嶺則生黎自古居瓊崖之中者是也質性朴悍善弓矢據險好殺然而慎許可垂契約磨鹿豕趨棧居蓬處其猶有太古淳龐之遺質乎但錯處郡邑恃出人以虔劉我民人熟黎從而衅焉其孽滋甚固有鳴劍抵掌而欲殄滅之無遺育者矣君子曰王者一視同仁然則黎亦我中國髮膚者昔人有合胡越為兄弟者由余子臧是也况吾廣為仁邦

卷一百四

廣東八

而欲傾無量之費役無辜之兵以快豺狼之憤可乎孟子曰至誠未有不動者又曰仁者無敵吾取以為法焉是故勞之來之柔之誨之敷惠彌深觀德彌厚縱有野性難馴而畏威者讐慕德者至矣其或不悛然後整旅殲魁拔木通道就其中建為師府以時撫綏焉則仁明義立文不匱而武不弛雖羅施鬼國之為貴州亦可引翼也是在擇於二者而已矣雜蠻類附其後

俚戶

天武帝元封元年畧以為儋耳珠崖郡民皆服布如單

被穿中央為鬣頭師古曰著時男子耕農種禾師古曰種

女子桑蠶織績亡馬與虎民有五畜師古曰山多鹿

麋師古曰麋似鹿而小兵則矛盾刀木弓努竹矢或骨為

鏃漢地

珠崖嫁娶皆須八月引戶人民集會之時男女自相可

適乃為夫妻父母不能止吳薛

黎峒唐故瓊管之地在大海南距雷州泛海一日而至

其地有黎母山舊名黎人居焉內為生黎外為熟黎

范成大廣德志曰黎海南四郡隴土蠻也隴直雷州

出徐聞沒半日至隴中有黎母山諸蠻環居四旁號

卷四 廣東八

黎人其山極高常在雲霧中黎人自鮮識之久晴海

氣清廓時或見翠光浮半空下猶洪濛也山水分流

四郡熟黎所居已阻且深生黎之巢外人不得有辨

黎母之顛則雖生黎亦不能至相傳其上有人壽考

逸樂不與世接虎豹守險無路可扳但覺水泉秀美

絕異爾蠻去省地遠不供賦役者名生黎耕作省地

供賦役者名熟黎方輿志生黎各有尚性巽頑無知

不識姓名貝布為衣兩幅前後為裙長濶不過一尺

掩不至膝兩腿俱露惟髻堆額前鳥言獸面結茅為

屋如覆盆狀上居人下居畜射獵為常事男文臂腿

女文面目用貝錦紡線以色絲織成若錦縫成
從頭穿下至與結住爲裙名曰黎桶足迹不履民地
向曰洞離鬪居民入其地仗熟黎以鹽魚貿易咄儻
崖乃有之在瓊則少熟黎相傳其先本南思藤棺高
化人多王符二姓言語皆近彼處鄉音因從征留居
長子孫焉詩各有主父沒子繼夫亡婦代性習凶橫
仇殺無親若制服得宜則不爲變否則聚兵爲變其
男子著短衫花幔纏頭圍腰戴藤六角帽或兩耳垂
環懸雙帶如刀狀垂裙兩幅婦人戴花簪蓑文領露
胸老幼坐無尊卑病則椎牛祀鬼喪葬則斬牛待客

卷二

廣東八

三

春則鞦韆會鄰崗男女裝束來遊携手並肩互歌相
答名曰作劇有乘時爲婚合者父母率從無禁婚姻
不避同姓

各以所邇分肆瓊儋萬峴四郡皆椎髻跣足弓刀未常
去手豪富兼并役屬貧弱時出與郡人互市

虞衡志常插銀銅錫釵屛繚花布執長靴刀長鞘多
以竹爲弦荷長鎗跬步不捨去熟黎多漢識變服入
州縣墟市日晚鳴角結隊以歸

夷人綉面卽總纒績木皮木布陶土爲釜器用瓠瓢人
飲石汁又卽榴酒以安石榴花著瓮中卽成酒

婦人高髻，簪上皆銅環耳墜垂肩，衣裙皆五色，吉其無袴襦，但繫裙數重，製四圍合縫，以足穿而繫之，羣浴於川，告去上衣，自濯，乃濯足，漸升，其裙至頂，以身串入水浴已，則復自頂而下，身亦出水，綉面乃其吉禮。女年將及笄，置酒會親屬，女伴自施針筆，涅爲極細虫蛾花卉，而以淡粟紋編其餘地，謂之綉面。女婢獲則否。女工紡織得中國綵帛，折取色絲和吉貝、棉花，所謂綉錦黎單及鞞搭之類，精粗有差。海槎餘錄黎俗男女周歲卽文，其身自云不然，則上世祖宗不認其爲子孫也。身穿花厚布衣，露腿赤足，頭戴

漆帽旁簪尺許雉毛兩莖，披肩領間可耻也。男子家富者兩耳復墜，蓋口大銀圈十數爲富侈。此所以爲彫題離耳之國。云寰宇記有嚴皮榴花酒。居有闌房，定婚折箭卜筮，以印藏物以殷。

虞衡志居處架木兩重，上以自居，下以畜牧。婚姻折箭爲定，聚會亦椎鼓歌舞。親死不哭，不粥飲，惟食生牛肉以爲哀痛之。至葬則舁輓而行，令人前行以雞子擲地，雞子不破處卽爲吉地。海槎餘錄凡深黎村男女衆多，必伐長本兩頭，拾木各數間，上覆以草中剖竹下橫，上直平鋪如樓板，其下則虛焉。登涉

必用梯其俗呼曰闌房遇晚村中幼男女盡駐其上聽其自相諧偶若婚姻仍用講求不以此也自婆嶺以北有一種遐黎習俗又與黎大異居常以椰瓢蔽體更嫻習弓矢父母年過五十烹食之尤人不忍聞者若尋常黎俗藏置酒米乾肉衣布之屬不於其家必擇一高坡之地離家百步內外周以樹畧加繚繞週護輦置其中名曰般雖村家叢雜亦不少混間有盜之者每犯輒獲法曰跣痕卽足迹也其初不信因彼自服而後然之

善射好鬪性喜報仇

卷一五

廣東八

五

虞衡志客來未相識主人先於隙中窺之客巖然矜莊始遣奴布席於地客卽坐又移時主人乃出對坐不交一談少爲置酒先以惡臭穢味嘗客客食不疑卽喜繼設酒中遂相親否則遣客不復與交會飲未常捨刀三杯後各請弛備雖解器械猶置身旁也一語不相能輒起相戕性喜仇殺謂之捉拘所親爲人所殺後見仇家人及其洞中種類皆擒取以荔枝木械之要牛酒銀瓶乃釋謂之贖命海槎餘錄黎人善射好鬪積世之仇必報每會聚親朋各席地而坐飲酣顧梁上弓矢遂奮報仇之志而衆論稱焉其弓

矢蓋其祖先有幾次鬪敗之耻則刻箭幾次射於梁上以記之故云飲醉鼓衆復飲相與叫號作狗吠聲輒二三夜自云本係狗種欲使祖先知而庇之也以次則宰羊羔肉俵散就近村落無不踴躍接受尅日起兵仇家聞之亦如此法募兵應敵臨陣遇府縣公差人役樂請觀戰兩家嬪女亦各集本營當退食之際婦女爭出營認箭雨不拘忌其俗云男子仇則結於男子面上若及婦女則其父母家更深仇怨矣其勝敗追奔亦各有程度不少踰之數中罹鋒鏑死者密產之父母妻子諱不悲泣恐敵人知其不武也

卷二 畝

廣東八

六

借貸責償人不敢欺貿易射獵以制爲喜

虞衡志土產沉水蓬萊清香滿山悉檳榔椰子木亦產小馬翠羽黃蠟之屬與省地商人博易甚有信而不受欺語商人有信則相與如至親借貸所有不吝歲望其一來不來則數數念之或負約不至自一錢以上雖數十年後其同郡人擒之以爲質枷其項關以橫木俟前負者來償乃釋負者或遠或死無辜被繫累數歲且至死乃已復伺其同郡人來亦如繫之被繫家人往負債之家痛訴責償或鄉黨率斂爲償始解凡負一緡次年倍責兩緡倍至十年乃止本負

緡十年爲千緡以故人不收負其一錢客或誤殺
其一雞則鳴鼓告衆責償曰某客殺我一雞當償一
鬮一鬮者雌雄各一也一雞爲錢三十一雌五十一
鬮每生十子五爲雄五爲雌一歲四產十雞并種營
爲六鬮六鬮當生六十雞以此倍計屈轉十年乃已
悞殺其一雞雖富商亦懼不足容其家無敢損動其
一毫鬮適值風水蕩去其資多入黎地耕種不寧官
吏及省民經由村崗必舍其家恃以安 海槎餘錄
黎村貿易處近城則曰市場在鄉曰墟場又曰集場
每三日早晚二次會集貨物四境婦女担負接踵於

路男子則不出也其地殷實之家畜女多至四五輩
每日與物本令出門貿易俟回收息或五分三分不
等獲利多者爲好婦異待之此黎獠風俗之難變也
二月十月則出獵當其時各崗首會遣一二人赴官
告知會但出每數十村會留壯兵一二十輩守舍男
婦齊行有司官兵及商賈並不得入八者謂之犯禁
用大木枷頸及手足置之死而不顧何其愚也獠時
土舍崗首爲主聚會千餘兵携網百數番帶犬幾百
隻遇一高大山顛隨遣人周遭伐木開道遇野獸通
行熟路施之以網更密置弓箭熟嫻之人與犬共守

之擺列既成人犬齊奮叫開山谷應聲獸驚怖向深
岑藏伏俟其定皆持鐵砲一嶺有大幾百隻密向大
嶺舉砲發喊縱犬搜捕山岳震動獸驚走下山無不
著網中箭肉則歸於眾皮則歸於土官上者為鹿皮
次者為鹿皮再次為山馬皮山猪食肉而已又豹則
間得之也

熟黎之地始自州縣大抵四郡各占一隅其中黎
地不可得亦無路通朱崖在臨南陲既不可取徑則復
浮海循鴈而南所謂再涉鯨波也四郡之人多黎姓蓋
其裔族而今黎人乃多姓王生黎質直獷悍不受欺觸

卷四

廣東八

八

不服王化亦不出為人患熟黎貪狡湖廣福建之奸民
亡命雜焉侵軼省界常為四郡患云文獻通考下同
珠崖黎氏三世保險不賓德宗朝嶺南節度使杜右討
平之

咸通五年命辛傳李趙四將部兵擒黎峒蔣璘省於瓊

山南境

今定安西

置忠州

宋李崇知太平興國中為瓊崖儋萬四州都巡檢使時
黎賊擾洞崇矩悉抵洞穴撫慰以已財遺酋長眾皆懷
附

至和中黎人符獲者邊史常獲其奴婢十人還之獲亦

常犯邊執瓊崖州巡檢慕容允則道病死詔軍士至者
貸罪

政和中筦帥郭晔乞置澄邁西峰寨臨高定南寨以隘
阻黎人由是道路無梗

乾道二年從廣西經畧轉運使議詔海南諸郡倅首慰
撫黎人示以朝廷恩信俾歸我省地與之更始其在乾
道元年以前稅賦之逋負者盡赦免之能來歸者復其
租五年守倅能慰安黎人及收復省地者視功大小爲
賞有差失地及民者有重罰

史蠻夷傳○文獻通考乾道二年廣西經畧轉運司

卷之四

廣東八

九

言欲下瓊管及三軍守倅措置說諭黎人示以朝廷
德意威命使之自新退復省地能說諭收復者量功
立賞在內有侵犯省地或逃失省民亦重責罰其先
省民逃居黎峒之人守臣招誘復鄉蠲其逋稅詔從
之

六年黎人王用休爲亂權萬安軍事同主管本路巡檢
孫滋等招降之

九年八月樂會黎賊劫省民焚縣治爲亂黎人于日存
王承福陳顏招降之

文獻通考云六年樂會縣黎賊劫省民焚官舍瓊管

安撫請於朝黎人王日存王承福陳顏等招降復砦
有功借補官資彈壓邊面議兵統制黃文廣屢戰有
功並欲推賞以澄邁縣巡檢權移駐扎樂會縣控制
黎人其省民久陷歸業蠲賦已責從之

淳熙元年詔承節即王日存等許子孫承襲以瓊州言
其祖父居蔭元係入貢又自宣和以來能撫諭諸黎彈
壓有勞也十月五指山生黎洞首王仲期率其旁十洞
丁口千八百二十歸化仲期與諸洞首王仲文等八十
一人詣瓊管司管司受之例應詣顯應廟斫石歃血約
誓改過不復抄掠犒使遣歸瓊守圖其形狀衣製上經

卷二 島

廣東八

畧使

八年六月瓊管司言承襲宜人二十六崙統領王氏稱
其祖本化外州皇祐寧寧中歸順彈壓三十六崙捍禦
隘口正係瓊管咽喉之地三世受朝廷誥命至母黃氏
承襲彈壓邊界崇寧紹興中又諭說黎人化外各安生
業莫肯從亂乾道七年受誥封宜人今年老無男止一
女欲依例承襲詔王氏襲其後又以王氏之姪黃閻補
宜守砦彈壓黎峒嘉定九年詔復封宜人王氏吳氏承
襲

虞衡志王二娘者瓊州熟黎之酋有夫而各不聞家

饒財善用眾能制服羣黎朝廷封宜人瓊管有號令必下王宜人無不怕然二娘死女能繼之其餘三郡尚名小壘實不及江浙間一村落縣邑或爲黎人據其廳事治所遣人就謝始得還前後邊吏喘不敢言九年管師韓璧出入阡陌勞來不倦期年咸化黎人咸慕愿供田稅

十二年正月樂會縣白沙洞黎人王邦佐等率賊眾五百爲寇殺掠官軍保義郎陳升之撫降其眾俘獲林智福等瓊司上其功

淳熙末崖守周○遣熟黎人諭

撫得五十餘峒每遇

卷八

廣東八

七

寅酉日出城市貿易

慶元初通判劉漢修崇郡學講明道要激勸生徒荆建社學延師訓導捐帑廩給黎獠獮悍亦知遣子就學衣裳其介鱗踵至者十餘人

端平初劉椿知萬安軍買扶諸洞黎以椿紹定中會平黎寇聞風相率至瓊納款愿隨土貢獻

咸淳三年二兇盜陳公發陳明甫竊據崖州臨川鎮潮惠廣欽廉雷化歲被劫掠瓊黎乘亂出崗爲盜六年犯邊迫近城堞憲司薦欽州守馬成旺征之成旺偕子撫機來間關數十載恢詔省地八年秋詔以成旺顯筦寄

乃命撫機諸將戍邊謀黎情偽截其出沒諸崗惕息不敢肆

元設黎兵萬戶府統十三翼兼管民兵黎崗萬千百戶俱以土人爲之致黎亂終元之世

至元十六年朱國寶爲海南四州宣慰使更弊政訓兵息兵黎人降者三千戶蠻崗降者三十所十八年招降居亥番毫銅鼓博吐桐油等十九崗

二十八年本路安撫使陳仲達詣闕陳平黎策五月戊戌授以海北海南道宣慰使都元帥命同廉希恕等將蒙古漢軍順化軍七千史誤作二千二百人

卷一百一

廣東八

三

世祖紀至元二十八年五月戊戌以叅知政事廉希恕爲湖廣等處行省右丞行海北海南道宣慰司都元帥瓊州安撫使陳仲達海北海南道宣慰使都元帥湖廣行省左右司郎中伯顏于思別十八里副元帥王信並同知海北海南道宣慰司事副元帥並佩虎符將二千二百人以征黎蠻獠屬皆從仲達辟置十月丁丑渡海益民兵一萬四千收諸黎所未附兵將集而卒十一月壬子行湖廣行省平章瀾里吉恩以分省督師至命仲達子謙亨領萬戶統諸兵副元帥王信伯顏于思萬戶教化孫韓旺楊顯祖副使林應瑞副萬

戶秦彪千戶蔡有閻鎮撫高祐廣西宣慰楊廷璧分兵
統剿自本月庚午發師至又明年癸巳七月辛酉被
召還朝乃以餘賊付都元帥朱斌統兵深入人迹不到
之處黎巢盡空明年甲午春刻石五指黎婆而還是役
凡三歷年剿平各州縣清水等崗符十九符察陳萃梁
六犢王郎王嗣陳子淵黎福平等渠魁降附者不可勝
數得崗六百戶口二萬三千八百二十七招收戶口一
萬三千四百九十七從省募烏古孫澤議立寨學訓諭
諸崗奏置屯田府立定安會同二縣萬全一寨

唐胃論曰是役也自開郡以來所未有然計兵僅二

卷八

廣東八

三

萬一千二百人計時雖二十六日然實用兵纔十二
閱月專擣蝨醜已無遺穴人言瓊黎黨渙易制信然
使繼制之以良材則瓊今日尚有黎乎奈何以統制
付之鴛毒土人僅數年間餘黨王文河王應加復起
釀成至順之禍先沿亂以俟元亡痛哉史世祖紀載
命廉希恕別十八里符兵同征而舊志及碑文皆不
及豈非以他故不果來將陳仲達在道之請而速督
之以濶里吉思歟

大順初瓊山黎多招引亡命爲嚮導時行出劫主簿譚
汝楫請於大府歛鄉民得五千人討之軍次居野崗有

賊二千突出欲戰以方樹柵令士卒皆解鞍縱馬卧賊疑不敢進乃引去遣兵五百乘之賊伏發遮其後復遣千人救之弗能前乃自以兵擊走賊拔出其中射中其酋腹賊遂退復征近地兵萬五千人賊有九崗而居野居中爲最大周回百二十里草木蒙密不可入汝楫先令萬人除道周其山幕復以萬二千人啣枚圍之夜樹柵三重爲壁壁外布竹針以防奔突內五步編竹爲屏伏卒以辟流矢明日出萬人赭其山布陳以待漸移柵近之十日圍逼居野止三十里入洞之蠻盡入據之復益柵數十重以守賊窮蹙不知爲計乃縱兵夷之得其

卷四

廣東八

高

首六十一人以歸

天歷二年海島生黎叛服不常海北海南道宣慰使按攤威望素著夷人帖服生黎王高等二十餘洞皆愿輸貢

至順元年黎獠旣陷官軍王三福等復寇乾寧界總兵都鎮撫譚汝楫沿江自南建至番誕渡置堠障與司帥及萬戶劉琪分守之明年賊數萬寇石山新村梁陳渡汝楫與子康力戰康遇害三年賊寇乾寧西山界都元帥關關軍水尾失利汝楫與別將拜住擊敗之後賊衆汝楫復敗關關不援遂敗澄邁王六具亦臨高寇逗南

寧界軍判羅伯龍結村授兵禦賊敗 明年春六具遣
兵徒王吾數千人掠北關伯龍義兵誅之乘勝追逐死
傷者不可勝紀夏官福賊五萬復由東入寇汝楫渡江
出救守將阿蘭護世之圍大敗賊斬首四十一級獲軍
器輜重不可勝紀

元統元年南寧軍達魯花赤時穆實招降江花落基諸
峒首符富等一百九十名向化

是年秋七月詔行叅知政事完澤會諸道兵進討瓊黎
初至順元年黎賊王馬同反陷會同樂會萬州文昌王
六具寇臨高澄邁王福觀據定安東西諸黎皆應僅存

瓊州民王用九亦帥十九崗作亂二年秋七月乃命湖
廣行省右丞劉耳刺領江西湖廣二省兵九月復調廣
東福建兵共討之以耳刺武功未集而卒至是始命澤
督諸道兵及廣西獍兵討之譚汝楫請先死戰以絕其
根株澤因下受賊金以間竟納降而歸

二年十月湖廣行省咨海南僻在極邊南接占城西隣
交阯環海四千餘里中盤百峒黎獠雜居宜立萬戶府
以鎮之中書省奏准依廣西屯田萬戶府例置黎兵萬
戶府

明朝洪武元年大將南征師駐廣東遣使開諭海南諸

部南寧軍土酋陳荐官等望風降附先元至正十八年
土豪吉天章逼昌化縣黃半山奪其印自尹其縣二十
二年荐官稱元帥始迫出縣印令其下曾洪山據之至
是乃降

二年永嘉侯朱亮祖師擣雷州威聲所至民夷首日絡
繹奔走聽諭惟樂會小踴尚酋長王官泰頓兵不散亮
祖統指揮耿天璧等將大軍抵其地敗走其眾招諭諸
賊迎降自歸附後各尚熟黎屢效順出官附籍認供程
稅惟深尚生黎尚恃險阻未歸繼而萬州卑紐黎了等
尚熟黎王賢保王賢俊王琪王觀保王觀祿等復梗化

卷三

高 廣東八

六

儋之大村峩低七方新場等尚黎首符均朦符鳳符方
抄等崖之抱懷多簡千家等村羅豈羅跑等瓊山之符
進福王觀磨文昌之王伯琪澄邁之王四官王鶴平臨
高之番縵居芴等村符陳符九等黎賊又復不時竊發
廣東都司及海南衛官旂節次領官收捕之

洪武初盡革元人之弊土酋主郡者元帥陳乾富以降
免罪徙爲廣西平樂通判州縣各另除官不用土人兵
屯子孫盡革爲民以管尚黎

六年指揮張仁收平儋州黎寇初洪武二年己酉諸黎
歸附之後文昌抵萬州黎尚常梗化累征討不服至是

儋州亦陷仁始領軍削平大村七方等崗

又方輿志洪武初指揮張信收捕儋之黎首符扶那欽及平峩抵落梅新洋等崗

十年會同等縣及感恩抱來等崗十七年崖州多簡等村二十五年會同麻白等處僞千戶蔡斌古州鎮等黎迭亂官軍隨即討平二十七年澄邁多簡等村儋州新洋等崗復亂指揮牛銘曹源等討平之

二十八年崖州千家村定安克螺樵木文昌白延等處黎亂廣東都指揮花茂同本衛指揮石堅牛銘千戶崇實等討平之

卷一百

廣東八

七

二十九年呂化浮鵝崗黎賊符公魂等亂指揮石堅率儋州千戶徐真統軍討平之時萬州鷓鴣啼王得隆亦寇亂隨收捕之

庚辰三月壬辰三東公差大理寺丞彭與民等奏言瓊州府所屬周圀俱大海內包黎崗黎少民多其熟黎雖是順化上納秋糧各項差役俱係民當其生熟時常出沒劫掠連年出鎮征剿爲害不息今詢訪各處熟黎俱有崗首凡遇公差役徵納秋糧有司俱荒崗首催辦官軍征捕亦憑崗首指引今所屬各有防黎及備倭巡檢司如將各處崗首選其素能撫服黎人者授以巡

檢司城事其弓兵就於黎人內僉點應當令其鎮撫熟
黎當差招撫生黎向化如此則黎民帖服平民安息矣
詔如所請明年五月十一月瓊州府寧遠縣藤縣巡檢
司添設副巡檢黃旗通遠巡檢司添設副巡檢黎讓十
月十一日萬寧縣蓮塘巡檢司添設副巡檢王錢陵水
縣苗山巡檢司添設副巡檢符森其後永樂中雖復洪
武官制獨兩廣及荆南土人爲副巡檢者仍權留云
永樂二年冬十月太學生崖州人潘隆本建言招黎請
行十二月授隆本以知縣職各賈勅招撫瓊州府黎崗
生黎

三年春三月隆本引本土人邢萬勝等赴京復同領勅
招撫 勅諭黎崗民人朕奉 天明命嗣守 太祖皇
帝四夷萬國悉來朝貢尙念爾等以蕞爾之地遠處
海南州郡之中仰慕聲教蓋亦有年第因有司不能
招撫無由自達今特遣知縣潘隆本土人邢萬勝陳
允筠添成蒲幹符添慶黃歪頭賈勅往諭爾等體朕
廣愛之心共相議讓數人同使臣來朝朕面頒給賞
賜俾回田里以安爾眾使爾子子孫孫共享太平之
福故諭

夏四月辛卯廣東都司奏瓊州府屬縣七方等八崗生

黎八千五百人崖州抱省等十八村一千餘戶俱已向化惟羅活諸崗生黎尙未歸附 上命禮部已歸附者令有司善撫緩未歸附者仍遣人招諭禮部奏遂遣梧州府通判劉銘賈勅往諭之秋七月巡按廣東監察御史汪俊民言瓊州府周圍皆海中有九小五指黎母等山皆生熟黎人所居比歲軍民間有逃入黎崗甚至誘引黎人侵擾居民今 朝廷遣使招諭臣愚以爲黎性頑狠招諭之人非其同類未易信從又山水峻惡風氣亦異中國之人雜其瘴毒鮮能全活臣訪得宣倫縣熟黎崗首王賢祐舊常奉命招諭黎民信從歸化者多况

卷一百一

廣東八

九

其服習水土不畏瘴癘臣請追還使命仍召賢祐至京量授以官俾招諭未服黎人戒約諸崗無納逆逃其熟黎則令隨產納稅一切差徭悉與蠲免生黎歸化者免其產稅三年崗首則量其所招民數多寡授以職事如此庶幾黎民順服從之

四年三月瓊州屬縣生峒黎首羅顯許志廣陳忠等二十人來朝初以生黎多未向化遣通判劉銘賈勅招撫至是向化者萬餘戶顯等從銘來朝且乞銘撫其衆上從之授銘瓊州府知府專職撫黎仍授顯等知縣縣丞巡檢等官賜銘冠帶鈔幣遣還曰是諸黎感悅相繼

來歸仍勅陳忠等歸諭村崗人民免其供應差發 勅諭瓊山縣南岐村首黎陳忠等你每都是好百姓比先只爲軍衛有司官吏不才苦差恁上頭你每害怕了不肯出來如今聽得朝廷差人來招諭便都一心向化出來朝見都賞賜了回去今後你村崗人民都不要支應差發從後安心樂業享太平的福但是軍衛有司官吏軍民人等非法生事擾害恁的使將著這勅諭直到京城來說我將大法處治他故諭

夏四月戊子瓊山臨高諸縣生黎崗首王罰鍾異王琳等來朝 命罰等爲主簿巡檢賜冠帶鈔幣

卷二高

廣東八

三

六年春二月瓊州府撫黎知府劉銘率生黎崗首王賢祐王惠王存禮等來朝貢馬命賢祐爲儋州同知惠存禮爲萬寧縣主簿賜冠帶幣鈔俾專撫黎人 先是封川歐可城以吏員選授縣丞隨梧州通判劉銘差委撫黎尋升爲知府可城爲推官銘卒以刑部郎中黃重代之

七年秋八月庚寅萬州萬寧縣土官主簿王惠等率其峒首來朝 招諭生黎四百二十四戶賜鈔幣

十一年春正月庚子瓊山縣言東洋都民周孔珠招諭包聚等村黎人王觀巧等二百三十餘戶愿附籍爲民

從之秋七月甲申黎首王聚符喜等來朝 臨高縣民
黃茂奉命招諭黎尙那呆等二十四尙生黎至是率
黎首王聚符喜等來朝貢馬黎人來歸者計戶四百
有奇蓋自初至今招撫諸黎來歸者千六百七十處
戶三萬有奇

十三年二月瓊州府生黎尙首羅廣壽等來朝 籍其
屬歸附凡三百二十戶七百五十九口賜廣壽鈔幣
有差

十四年夏六月乙亥儋州土官同知王賢祐率生黎尙
首王撒黎佛金等來朝貢馬賜幣鈔遣還 上諭行在

卷四

廣東八

三

禮部臣曰黎人遠處海南素不沾王化今慕義來朝
而朝貢頻繁殆將困乏非常撫之意自今生黎土官
尙首三年一朝著爲令

十五年秋八月乙未感恩縣土官知縣樓吉福等率生
黎峒首來朝貢馬及方物賜之鈔幣

十九年春正月寧遠縣土官縣丞邢京帥生黎峒首羅
林等來朝貢方物賜鈔及文綺有差

二十一年春瓊州府土官縣丞符添慶率諸尙黎首來
朝貢方物賜幣帛有差 唐胄論曰撫黎土官其百餘
年之禍根乎永樂初勅諭不給於招者而給於所招

之黎職名之加則威以專一撫綏不得與州縣事此皆防微杜漸之深意及來歸後果詔奪其勅以威已列于衙座以敵縣皆踰制命矣此程瑩奏革所以爲便也然土官雖革而土舍隨後養成惡逆犯法多不可以不裁抑明矣然唐之首領宋之尚首統領皆以黎人主黎故其侵郡也乘其衰而後發今之士官則以郡之好人爲之故其掠郡也皆在盛時而不憚土舍縱肆於已革土官之後張威如其祖考苟爲不問終於天討則宗祀且不能保况餽口之小利乎此兵憲之責也

卷五

廣東八

三

洪熙元年定安黎賊王觀苟等叛燒燬縣治都指揮程永率指揮黃瑀等督軍討平之繼移兵征樂會等縣上郎等村王莫等寇隨平

宣德四年以尚黎侵擾不利革去撫黎流官

正統五年瓊州府知府程瑩奏革撫黎土官黎人自是總歸於府民黎稱便

十年知府程瑩指揮陳英諭撫崖州黎首扶危向化招回逃民羅討等四十八名

成化五年儋州七方黎符那南叛都指揮王璉討平之初那南等與土舍王賊構亂二年春都御史韓雍以平

大藤峽蠻賊俱剝皮抽腸凌遲處死曉諭令改過自新
各安生業俱免其死挂榜通衢恬不爲意後賊欲侵那
南等地遂出同伊弟弼居住諸黎蓄恨乘賊往臨高祭
掃迤回刻箭截殺賊敗走於地各河洛舖駐扎那南因
散擄劫自號南王十一月都指揮王璉統軍征剿賊凭
險阻屢敗我軍相持月餘後乘兩夜夾擊十二月乙亥
始破上下多邦山口砦那南敗走明年正月丁酉追至
落賀尙平之因 餘黨姜花等尙符英等三月壬午擒
之戊申班師

八年署都指揮王璉委指揮李泰督萬州樂會統軍招

卷一百四 廣東八

撫鷓鴣啼太平等六十七村峒生黎巴旺巴島等五百
八十七名向化

十一年儋州落窰尙黎符那作亂兵備副使涂棐都指
揮李祐統漢達官軍及黎兵機快進討軍法嚴整 土
舍趙瀧領兵來遲斬於軍門風聞王道乾漏機亦推
出將斬賴州衛爲辨抹而釋

十一月壬戌攻破巢穴明年二月平之

十二年副使涂棐都指揮李祐招撫千家村古鎮州黎
賊符那王等向化

二十二年瓊州府通判邱瑞同指揮李泰招撫加凌等

村黎那元等一百四十四村同化

宏治三年陵水縣黎亭等處黎陳邦洋等作亂冬十月兵備副使陳英叅將姚英統漢達官軍進討甲辰抵加柁山十一月丙辰至大播山與賊對敵平之己亥班師十五年冬十二月癸亥儋賊符南蛇平南蛇者七方峒黎也先成化初土舍王符欲并七方致符那南之亂官軍平後其賊符那月者率南蛇父族定欽等謂黎皆告出州供徭沒吞并諸裔惡其異已且懼所部或效之十四年七月丁未以官役頻繁事竣南蛇等讎殺那月不獲賊因劫殺作耗刻箭傳遞諸州縣黎峒聞風嚮應聞

卷一百四十四 廣東八

三

七月丙申擁眾萬餘圍儋指揮周遠嬰城固守八月丙辰圍昌化千戶王韶大開門受敵賊懼不敢攻鄉落逃難者得八依附九月丙戌分兵攻臨高指揮張詡孤守危甚丁亥都指揮湛鉞聞急赴援賊大敗而退諸黨喪氣未幾賊復肆出十二月庚子省軍抵儋州都指揮何清駐扎於州之保吉孤營無備甲辰爲賊所劫兵不得列戰叅議劉信遇害死者不可勝計自是賊威益熾郡城爲之驚動至是伏羌伯毛銳以兩廣總兵統漢達官軍狼士兵十萬至儋甲子嚴令誓師叅將馬澄等用命分軍進擊破其中堅丙寅南蛇獨擁精銳出敵指揮周

這舊戰書人周賀周紀斬賊將先鋒一人氣奪稍却南蛇中箭赴水死餘黨以次削平州縣大安

正德二年崖州千家村崗黎恣橫爲害三月甲子副使王倬親領儋昌岸軍士兵討之賊倉皇奔竄無敢禦之者遂焚巢穴而歸勅旁峒無得逆逋次日纍送軍門者無數倬憫其衆盡釋之州境大安民爲立祠報祀之

七年春兵備副使詹璽征萬州黎賊初儋賊符南蛇叛萬州諸黎皆嚮應後儋旣平萬未經過師故鷓鴣啼龍吟等崗黎鄭那忠巴休等復出至宏治甲子殺督備指揮谷泰後愈構樂會縱橫斬對陵水黎亭嶺脚等黎會

卷二

廣東八

五

應勢日昌熾督府因被害民王昕等奏聞至是始委璽統官軍快黎等兵約五千征剿三月癸未遣指揮王琬等四路分進期癸亥會哨於中地草唱爲土舍泄機賊多屯匿於樂會縱橫峒壘口村大連山麓乃故導西哨指揮趙槃由曲改難兵地眩賊懇之金哨因曳兵走出熟黎長沙村逗遛不進東南二哨指揮高煥周世英千戶王詔等是日亦止遠營於地名太平村隨征指揮陳振八覓空村見數賊先馳歸倩隨旂軍王佐吳朝京寺衆遇害旣夕賊乘劫民兵等營殺傷數多煥等遂掣南山路出惟北哨指揮王琬如期抵會所見賊空巢

之時璽駐扎於此地名張牙市聞太平營爲賊所劫
遂散師而歸 唐胄論曰嗚呼黎賊連年肆寇然時或
少愍者以大軍之未臨也今而此舉命不能用之於
將師反驚散於賊黔驢技露而猛虎愈無所忌矣孰
若不征之爲愈也今言黎患多歸罪於宏治末年之
備兵者由此觀之則所以積大而釀長之者此皆彼
之罪哉

嘉靖元年督府鵬剿羅活峒羣黎皆望風屏竄有司官
欲專功者緝賊所在躬督部下窮搜賊憤怒截殺我軍
數千人甲冑器械滿野爲賊所得自是賊知軍弱始無

卷一百一十五

廣東八

美

忌憚自是鵬勦遂不足恃

二年已誅賊符南蛇從子崇仁文龍爭立起兵讎殺因
而煽動諸黎陰助作逆兵備副使胡訓執二人繫獄命
儋州同知顧玠撫之事寧玠善事督府掩爲已功奏聞
玠陞二級得擢南安府通判 海槎餘錄嘉靖初符南
蛇從姪符崇仁符文龍爭立起兵讎殺因而煽動諸
黎向助作逆余適拜官蒞其境士民皆憂危蹙額道
其故余荅曰可符撫之未幾崇仁文龍弟男相繼率
所屬來見勞遣之余知二首已獲繫獄故發問曰崇
仁文龍何不親至衆戚然曰上司收獄正嚴余荅曰

小事行將保固安生眾欣然曰謝郡士民聞之駭然曰此輩寬假卽魚肉我民矣余不荅既而閱獄縱繫囚二百人州人咸賞我寬大之度彼黎眾見之盡闕首祝天曰我輩寬業當敗矣余隨查該崗糧俱無追總示諭黎老各出長計轉請海道明示黎眾爭相告乞辜保其主余諭之曰事當徐徐此番先保各從軍糧以保其主何如眾曰諾而得請從黎俱縱同前此土官每石糧徵銀八九錢余欲收其心先申達上司將該崗黎糧留搭見徵無徵均照京價二錢五分徵收示各黎俱親身赴納因其來歸人人撫諭籍其名

卷五

廣東八

七

氏編置十甲辦糧除排年外每排另立知數協辦小甲各二名又總置總甲黎老各二名共有百餘人則掌兵頭目各有所事樂於自專不顧其主矣日久寔向有司余密察其主之情却將諸首惡五十餘名解至省獄二千里外相繼牢死大患潛消石落窟崗黎聞風向化亦告編版籍糧差訖州倉積存聽徵糧斛准作本州官軍俸糧敷散地方平安余後復從事西履竟有加俸二級恩命檄未下而轉官南安矣

十三年三月瓊山縣沙灣居林等峒寨首黎福二作亂
夜劫守兵營殺死典史千百戶各一員并殺擄兵士甚

眾知府蕭晚闈於督府都御史陶諧總兵咸寧侯仇
會巡按御史戴璟協同諸司勦處於是晚集諸兵備副
使游璉設抹虜繫誅渠魁威羣醜三策乃合經歷顏吉
縣丞高明督土舍許承宣招降旁酋出虜者皆至晚厚
賞授以方略俾誘渠酋設伏擒之璉遂督指揮王守臣
集兵七月分哨抵巢羣醜皆遁乃焚其聚落奪其穀畜
屯兵搜捕適淫潦汎溢軍亦疾疫乃下撫合羣醜愿月
朔赴道聽令九月旋師磔福二於郡市餘黨悉平
瓊州續志

十八年萬州鵬鵠啼峒大抵村黎首那紅那黃叔姪爭

卷四

廣東八

天

田叔不勝乃設陵水軍堡村庄千戶萬人傑爲報怨人
傑率兵以捕獵爲名襲大抵村盡奪其妻孥資產而有
之黎酋積憤糾合黎停嶺脚二崗陳任等攻劫陵水縣
九十六村掠奪殆盡惟存附郭港浦一村賊屢合攻知
州黎巽屢敗之人傑頗有謀勇用計讒巽罹罪去士論
大沸巽訴寃人傑亦破 仰葯而死於是賊益猖獗
二十年崖陵卽溫黎酋陳那任那紅等糾結萬崖諸黎
構亂村邑擄掠村民寇陵水縣時督府適有事安南未
遑也官軍半月以前虛聲攻討比哨至旣招又剿旣降
又誅誅又復招威信不立賊不復聽招惟肆攻劫海南

衛指揮僉事張世延帥兵禦之戰於多崩河兵敗被殺
都御史蔡經奏請征討 命下會師十萬與安遠侯柳
垔駐雷陽合叅政周懌運餉九月分兵爲三哨叅將程
金所部四萬五千人爲中哨叅政張岳監之叅將董程
王所部三萬一千人爲左哨副使陳茂義監之都指揮
武鑾所部二萬六千人爲右哨僉事商大節監之叅將
經提餘兵設伏張翼中左二哨先進賊僞遁設伏戰
頗不利大節持重武鑾引兵合程鑿躡左哨後已而分
界俟其矢石少息乃超距爭先登岳大敗之賊潰所破
峒二百七十有奇斬五千五百餘級登黎婺山巔而還

卷一百一

廣東八

无

十二月凱旋官軍頗亦傷折右哨頗完捷聞進經爲兵
部尙書加太保

二十八年崖州止張石訟等村黎酋那燕那牽符門欽
等作亂判官黃本靜科索無厭燕等遂逼崖州圖感恩
先是崖陵那紅諸黎甫平而知州葉應時都御史毆陽
必進總兵平江伯陳圭奏請討之受命調兩廣狼獾漢
達官軍十萬餘合副總兵沈希儀督守巡兵備等官分
三大哨直抵巢穴俘斬首從五千三百有奇悉剽平之
三十七年分巡海南道憚涉鯨波駐於雷州峒黎始無
忌憚三十九年分巡復至黎乃復寧

瓊山村嗣凡一百二十六

後礫村 居林村 居礫南廩村 半皮三家村 加
品村 新芋村 加卯村 新砦村 加西抵灰下村
死蛇村 南吉平兆村 南蛇村 籬竹村 南記
村 黃綠村 林雷村 燒鹿周敦村 灣頭村 三
家村 岑芋村 水尾村 加地村 加莫典村 平
兵村 嶺倍村 上下沿江村 南細村 加林村
黃昏村 三家村 孫唱村 始社大社村 番陀村
包沒村 代灰村 長秀村 多雷村 黎東村
勘寨村 沒鸞村 鹿壯村 南盈村 南屏村 南

卷三

廣東八

三

岐峒 盤荅村 南壚居敦村 下水坡村 大荅村
南般村 廬迪田頭村 黎瓊村 藤砦村 南埠村
南陀村 白頭陀遠村 塘心村 居完村 頭平峒
嶺平峒 荔枝村 陶良村 黃坭村 莫村 茅坡
村 白嶺村 村絲根村 番錯村 尋村 大塘村
木械根村 埔嶺村 羅村 山田村 貓舌村 北
岸村 苦藤村 沙件村 澁鐵村 荔枝 扶南村
鴨塘村 馬牛村 瓦屋村 石井村 藤村 沙坡
村 檻埔村 龍教村 獨田村 曹村 東衡村
蔗村 邁葛村 南鄉村 尖嶺村 張村 龍村

石化村 塘石村 鴨塘田村 嶺上村 水泡田
 石村 山口村 張村 大木根村 加凱村 宋砦
 村 湖換村 墨芎村 江邊加般村 深梵村 番
 欠村 居癸村 田邊新村 山口村 山深村 坡
 尾村 黃竹村 岑村 六寓村 馮家丁砦村 周
 村 多剿村 李瓜村 南敲多加村 黃家大峒村
 澄邁村峒凡一百三十七

探都村 涌呂村 新村 陶弄村 大小曰石村
 居透村 瓊瑣村 上田村 居坎村 田尾村 山
 坡村 求地裏村 黑險村 相思根村 白水母村

卷四 廣東八

東西嶺村 甘滔村 加忽村 村 舊村 涌凍
 村 大嶺村 落峒村 窮詣村 石稻村 居曰村
 落咀村 秦魯石嶺村 大田村 檀木村 涌羅村
 居濶村 求執村 泉眼村 居眼村 下水村 坡
 養村 牛窩村 內綾村 茅坡村 崖村 落血村
 潘經村 居鳳村 居鶴村 求地村 觀遠村 八
 温村 南綾村 大塘村 脚猫村 五寨一村
 涌初村 毛巴村 透龍村 涌坑村 宋翫村 宋
 翫新村 大江村 竹根裏村 北村 居岸村
 窮蘭村 北綾中廩村 大小居疊村 黎獻村 卜

水村 居洪村 涵堀村 南茂村 淺一村 嶺下
村 大小嶺村 判瓮村 大小居蔽村 荔枝眼村
莊罕村 山呂村 山尾村 花嶺岸村 玳村
石嶺上村 南濫上水村 細嶺村 耀瓦村 黎村
道眼村 上賈村 南藝村 加俸村 嶺邊村 南
突村 溪口村 擎酒小村 大鵲坡村 及崖村
和甸村 提滴村 充遙村 麻戀其村 栖存村
那郎村 沖潮村 枕罰村 番大村 催村 番乍
村 番那村 番奴村 雅崖村 番多羅村 雅包
村 雅又村 譚漢村 雅近村 譚滴上下村 又

卷八 廣東八

縣舊村 屯後村 反陣村 波路村 黎祭村 番
砦村 番縵乍田村 番佛村 從記村 番定村
大那永村 續縵江村 居滴村 甘痛村 居潤祚
村 高嶺村

臨高村峒凡二百三十九

南逢大村 南逢小村 姑堤村 南逢村 頃敗大
村 婆貝村 頃敗小村 石若村 譚章村 羅便
江頭村 堤把村 南順村 堤南村 番任村 番
奠村 從遶村 捕役村 重從加村 傑和村 番
縵村 麻蠻其村 番奴村 慢提村 羅隨村 番

凱村	牙眼村	牙眼上村	牙眼下村	羅騫軒村
僕盛村	居締村	叫梗村	多坦村	頓也村
長	隨村	居軟村	譚攢村	羅隣上村
羅隣下村	瓦潤村	畧高村	武黃村	公姑村
武順村	羅	軒村	滴莊村	帶馬村
武滴村	武寵村	頭全村	羅全下村	東田村
甘黎村	居樽村	郎歛村	武寵村	林蛇村
滴	徑村	皮白村	羅檐担村	羅遠村
耶墨村	番	羅羅村	南瀑大村	南瀑小村
姑提奴村	居岩	大村	番郎麻床大村	番郎麻床小村
番郎床上	村	番郎床下村	番佳村	僕頭東村
僕頭西村	那軒龍古村	苻腰村	白石村	南暴小村
羅次	村	檀白村	番盎村	滔叅大村
僕頭	縵村	虫窠村	李弱村	那活村
墳臺村	村	那崔上村	那崔下村	那崔大村
那崔中村	那崔小村	番奧村	滴雜村	番亂村
那附律村	江高村	買愁村	婆傑村	滴又村
畧閔村	考村	番濁村	那去村	番又南村
悉忍村	吾村	番油亞村	那均村	苻効村
羅勇村	白	南甫村	推峰村	茶談大村
茶談小村				

推方大村 推方小村 潛藏村 低流村 高池村
 羅畔村 墳峒村 郎秋村 南暴村 郎忌村 郎
 壘村 道貪墳郎遊村 番京村 武丁村 敵木村
 郎來村 坎首村 初呼村 武戴村 郎武頓村
 武小武左村 郎藍村 多舍村 羅屯村 許夾遠
 史村 周白村 武丁村 打治村 郎岩村 郎憐
 村 墳誕村 重羅村 提桑村 羅便村 南恨村
 張又村 符其村 重白村 羅編墳台村 那打符
 圖村 那打重而村 那打甲衣村 武陳村 武還
 村 那打道羅村 我然縵村 墳會縵村 那否村

卷四

廣東

四

曹縵小村 番衙小村 縵那賴村 墳曹門小村
 茶藍村 番佛村 武曹村 插胡村 滄軍村 番
 蒲村 那邑村 那舖村 那又村 番縵紅謀村
 南謀村 白華村 郎管村 神白村 番縵村 買
 傑村 屯建村 番縵打蛇村 畧屯村 道探村
 低樓村 道圖村 墳曹村 道壽村 羅也村 亥
 迦頓墨村 番縵王周小村 大安村 南善村 居
 著村 神白小村 武頑小村 郎管小村 羅益村
 武銀村 郎貫村 具沙村 道搜村 大江坎村
 居民嶺低村 恆南村 郎岩番閃村 番佐橋良環

村 居投番在村 番打崇村 陳受村 從賀路奏
村 波沒村 夾具村 番迤村 番軸村 那客村
白麻村 白牛村 晒簪村 夏淡村 番移嶺背村
番抱陳村 夏江爐村 番去大村 番去小村 居
茅村

安定村尚凡一百二十

胡換村 茅夾村 山村 沙灣村 山廖村 麻根
村 南墩村 大水村 南峰村 新埭村 對峰村
居匪村 窮欄村 金救村 居倫村 新廖村 下
泥村 驚介村 外匪村 沙舊村 高台村 沙坡

村 坡村 嶺堀村 簡奏村 石嶺村 間浪村
榕木村 下水村 下榕木村 萬廷村 那湊村
坎村 婆村 奴計村 坡村 蘇量村 李訾村
居谷村 竹根村 居啓村 居列村 李雞村 容
木村 居廖村 籬竹村 長塘村 居堦村 山村
林遍村 居墮村 麻根村 嶺村 烈口村 石麻
村 紛雲村 玉奴村 蛇岩村 今抱村 郎茂村
黃茅村 黃口村 蓼頭村 墨葵村 水表村 羅
旦村 南號村 山村 嶺脚村 居章村 丹蠟村
天火村 透冷村 南迤村 居鄧村 樵木村

彩村 高嶺村 番透村 山心村 上塘村 郎戊
村 長灣村 黃祿村 黃泥村 嶺背村 大郎村
北藤村 叫降村 飲萬村 黑石村 中心村 南
吞村 坤骨村 黎秋村 曹掘村 夢細村 保加
村 崔陀村 南汶村 南洲村 長安村 居坐村
馬透村 大坡村 大什村 大水村 黎討村 平
山村 水平村 山村 居馬村

文昌村峒凡三十五

陂底村 雷珠村 白檀村 荔枝村 黃州除玳村
麻陂村 爽寨村 斬腳村 拐根爽村 山烏村

卷一 嶺

廣東八

美

斬腳尾村 沙埔曹家爽村 多習村 多容戶村
多餘村 楊村 敲村 苦竹村 白沙村 大埔村
陂長田村 買車村 水西大陂村 杵村 何
嚴村 黃家埔村 偷狗村 唐來村 大砦村 李
村 荔枝莫寨村 馬嶺砦脚村 墳亭村 買陂村
下砦 苦藤村

樂會村峒凡二十三

橫上村 羅雲前村 羅雲後村 葵根上村 葵
根下村 石橋村 上坡村 下坡村 加畧上村
加畧下村 三合村 賀賴南村 賀賴北村 小郎

村 坡尾村 坡頭村 黎新村 石盤東村 石盤
南村 秤溪村 油梅村 新寨東村 新寨西村
露杯村 南杯村 官梅村 竹根小村 大郎村
縱橫大村 黑石村 竹根大村 皮沙村 清安村
皮英村 羅環村 嶺坵村 羅梅村 上搖村 下
搖村 新寨大村 新寨小村 上石朴村 南茅村
大水村 小水村 如歷村 蒼呆村 斬對東村
斬對西村 加石上村 加石下村 黎磨村 小口
村

儋州村崗凡二百九

卷一百四

廣東八

七

烟峩崗 途何崗 峩郎崗 過甘崗 過吟峒 大
羅村 牛頭村 水尾村 峩好村 過洋村 那江
村 坤雄村 和橋村 甘根根村 兒拷村 落祖
村 苗村 那尾村 峩郎村 峩娘村 峩郎村
過芒村 差泮村 包村 羅不村 考確村 打
金村 可卜村 係抱村 婆媒村 峩邦村 峩南
村 峩加村 峩爹村 可妙村 可邦村 上過譚
崗 下過譚崗 途邦崗 蓬萊崗 同橫崗 山口
崗 過邦崗 夫底崗 新洋崗 過譚大刺崗 火
落崗 離 富盈洞 菱番洞 落隸村 徒板村 落

村	勿落閑村	英豪村	桃花村	徒雜村	大小
落曼村	墟坊村	逢邦村	富雙村	落臺村	南
村	那羅村	和奉村	遇陀村	徒邦村	徒欽村
南丹村	浮峩村	落苗村	落深村	大落賀村	
小落窰村	差橫村	甘將村	墳磚村	南華崗	
那板崗	潺白崗	那橫崗	雲渠崗	那擔村	難
皮那邊村	那喃村	番真村	羅條村	那橫窰村	
那順村	墳橫村	那父爹村	南新村	小墳旦村	
陀橫大村	陀橫小村	懷巢村	催誌村	副濯村	
擇催村	曹奴那續村	催風上村	催風下村	曹	
縵上村	曹縵中村	曹縵下村	那勞大村	那勞	
村	南絹州村	催勿村	富濁上村	富濁中村	
富濁下村	富賀大村	富賀小村	富寧村	甘弓	
村	那茶村	富孚村	波孚村	從加重伯那針村	
從加重伯那六村	從加重伯那	村	從加重伯那	村	
輪村	從加重伯那白吾村	從加重伯那	機村	從	
加重伯那賞村	禽讚村	富居村	路忍村	白吾	
大村	白吾小村	番登大村	番登小村	債該村	
銀村	抱窩村	落條村	條貧村	那忻村	那崩
村	南統村	南勞村	茅密村	喉白村	峩勾村

峩律村 小頭小尾村 婆屬村 磨凌村 過仰村
 峩那夏村 峩雅村 車同村 過那村 峩橫村
 浮榮村 峩王村 堅沾村 浩不吼村 那富洞
 蓬峩村 保平崗 富催村 橫村 布曹村 那訥
 白沙村 投蓬打村 多坤村 白姑村 番輕村
 貪瑤村 那吉村 那酒村 牙西村 牙番村 牙
 歷村 晚吉村 石村 惟圖村 白勿佛村 牙城
 村 白平村 次陶村 白風村 湍鹿村 逢沱村
 絕湍村 第茶村 牙秋村 牙麻村 墳不勿村
 通三村 婆骨村 南勞村 正顏落乍村 番羊村

卷一百四 廣東八

完

落橫村 妻抱婆催查村 落便村 落閑村 烏雅
 村 妻玉村 墳臻村 痴歇村 那便村

昌化村崗凡三十三

峩高村 峩掠村 居炭村 陀外村 磨斧村 居
 律奪村 那邊村 陀蠻村 峩淡村 居喝村 包
 泊村 盤嫌村 那恰村 包橋村 峩吟村 峩娘
 村 陀茶村 哥炭村 徒蕊村 無飄村 南保村
 我義村 初血村 羣白村 峩表村 餘雍村 峩
 心村 廣查村 峩莊村 峩哥村 上下峩村 峩
 寸 峩玉村

萬州村崗凡九十三

龍灣村 居勞村 黃籬村 仙家村 坡頭村 四

馬村 番根村 芭芒村 催臻村 爹砦村 妻蠻

村 白包上村 白包下村 孚陀村 孚陀小村

墳且村 牙密村 牙巴村 墳盡村 潘郎白村

那根村 白包村 番花村 那調機村 那堅村

浮徒村 白包村 符花村 番墳村 干敲村 那

爹村 番奴村 番陳村 富孝村 牙南村 甫貪

番閩村 那甫白村 麻江懷村 墳餘村 小曹縵

村 落乍村 那班村 番初村 那班白村 從化

卷百

廣東八

單

村 麻思印村 貪貝村 番蓉村 峩沙村 番文

村 番論村 牙殺村 閩儂村 防村 那隨村

遐貪間村 剛華村 干斬村 那甫村 富邵村

小富郡村 符番村 那喃村 卑孕村 平石村

窮頭村 居引村 南頭村 加村 卑休村 那村

陳婆芋村 青塘村 民狄村 加村 橋頭村 北

八水村 菩提村 高石砦村 此嶺脚村 番鳳村

加扶村 南對村 排補村 水尾村 雨大水村

買猛村 大翁村 新村 石水村 西嶺村 晉禮

村

陵水村崗凡三十

多龍村 港晏村 多艾村 港莫村 羅渺村 湍
侯村 艾村 多旺村 加錢村 多賢村 湍油村
正站村 多麗村 艸字村 低富村 多莫村 加
除村 加皂村 多味村 七帶村 到奏村 五捐
村 保坎村 保白村 羅信村 鈔鍋村 北羅村
低岐村 湍鼎村

崖州村崗凡九十二

羅活崗 龍灣村 鷓鴣啼村 大婁村 長沙村
南邱村 黎看村 唐村 木藤皮村 大平村 提

卷一百

廣東八

聖

底村 大蟲村 羅村 胡南村 水表村 良薑村
鹽服村 羅園村 加拜村 正站村 多累村 羅
宇村 黑梅村 多梅村 加間村 加訓村 提提
村 案信村 頂帶對村 抱班村 石松村 抱勤
村 抱好村 多井村 金契村 多澗村 南滄村
抱井村 抱霸村 抱懷村 枕橫村 抱毫村 盈
隣村 抱也村 抱貧村 大擁康村 黃侯村 節
落刀村 抱耶村 小擁康村 多爹村 抱柞村
佛栖村 侯到村 返欵村 抱到村 大抱侯村
小龍村 多傑村 多于村 多鑿村 抱改村 抱

繼村 多港一村 遷家一村 涵畧布打村 龍村
浮村 嶺村 月村 透村 耽村 碩村 講紐村
翁俸村 布那二村 稅村 多頭村 講學村 而
盈村 布那下村 瑟體村 羅縵村 婁禎村 猪
母村 多近村 那打村 足親村 多來村 嶺頭
村 得吾村

感恩村崗凡四十一

峩茶村 拂顯村 峩顯村 那邊村 峩陸村 陀
皓村 雅也村 陀寧村 抱道村 也皓村 皓首
村 抱白村 大定村 抱透村 陀牙村 羅橫村

卷高

廣東八

望

峩詐村 峩勤村 抱蔓村 陀橫村 抱陀村 北
鮮村 北言村 也逆村 陀累村 北道村 抱萬
村 抱匪村 大道解村 陀賴村 苻若村 陀達
村 浦張村 陀淺村 曹咬村 陀烈村 也道村
小抱村 鮮村 淺一村 峩傾村 抱道村
瓊州府萬州夷獠名曰岐人卽隋志所謂匏也有二種
遠控黎疇不服王化者曰生岐近傍黎疇稍知羈縻者
爲熟岐 舊志熟岐本南恩藤梧高化音語皆同昔從
征至此迫掠土黎占立其地種落淺蕃自立崗首頭
目分掌村崗役之生岐性習無異溜穢兇狠烏言夷

而無姓名但以村爲號生方成童教以弓矢以所擴
人口赤紵而繫之樹令其子老弱射之謂之習射中
老父大悅每食以大鉢貯飯男女圍聚用匙瓢食之
男子著短衫名爲黎桶腰前後兩幅掩不至膝兩腿
俱露支其臂綴耳以銀環髻堆額前用牛骨爲簪綰
之飾以雞毛婦女亦著黎桶下圍花幔髻垂後刺涅
口腮爲紋茅屋簷垂地開門屋山頭內爲木棧居之
離地二三尺下養羊豕之類男女未配者隨意所通
交唱黎歌卽爲婚姻刻箭結藤爲信斬牛歃血爲盟
木弓竹箭鐵鏃無羽刀楸長尺餘弓箭不釋手雖父

子動輒持刃相加每出劫謂之討草討不避風日草
行露宿登高履險躍步遠跨其疾如風生習籠戩類
如此說者謂比之禽獸而能言比之虎狼而有翼者
是也

永樂三年設土官統之後革宏治中始爲寇正德七年
按察副使詹璽討之敗績嘉靖以來肆行殺掠至今不
靖 漢唐宋元至國初岐獠皆自耕與氏在市間或潛
盜馬匹而已永樂三年設土官統之後革土官而十
舍寢以生弊宏治十三年儋蛇賊亂始效尤羣起爲
寇十七年戰殺督捕指揮谷泰正德初督捕指揮王

琥禦之勢稍阻七年副使詹璽進官軍勦之以土舍
洩機敗績由是賊勢愈熾戰殺自戶李延傑總小旅
軍潘偉沈宗善等二十四人所過村落西自巴頃香
報加小橫嶺北自嶺脚五鄉南旱黎與類十餘村人
亡財盡掠無所得却乃長驅東南陸連上丁橫山亦
土隴等村橫行無忌黎民有王是岐王策王祐王那
弄王那邁王印極附居衝路前此賊止斬牛與之借
路授爲鄉導里是岐等潛透消息候賊出入餉以酒
食謂之晚存自號百戶名色人口被掠者代爲贖之
每口取牛若干隻銀若干坭鍋鐵刀鋤布幔之類多

寡不等皆與賊分贓而還其人間有軍民奴囚逃入
黨與通行賊勢益大嘉靖六年劫殺良民楊文啓等
一千餘家七年殺鄉老林鳳鳴焚其尸擄妻子并劫
殺細民二十餘家八年殺生員蔡卿卿尸不獲葬擄
民王普良簫司員等男女數十人邇者逃出高橋窩
村荔枝山頭坡長水等村離城僅七八里劫殺無算
自黎禍以來人口被掠者近千餘人田園荒蕪者近
千餘畝牛馬屠戮者約萬餘隻錢糧消耗者約萬餘
緡而所得富家子女以爲奇貨嬰兒老叟輒手刃之
禾倉廬舍村之烈焰生靈之灾此其極矣

按俚訛爲黎聲之轉也久矣自生黎聽招歸附以入
版籍則孰黎與土官之所爲也其後土官益多生黎
不時竊俚戶以肥已變詐百端反招生黎爲寇人知
永樂初潘隆本倡爲禍首故瓊臺志遂書隆本後以
無功伏誅稽諸實錄則無有也與其授以知縣職孰
若授以副巡檢之易羈哉奄復誤爲岐卽黎之遺者
定安楊理嘗入婺嶺始知分有二種生黎之外五指
之中歷代不化者爲岐然黎所懼者岐也生岐疆界
由瓊抵崖不過三百餘里自儋達萬不過二日餘程
俟彼三八月饑荒分兵四面開示信義彼必聽從乘

此開路可立衙門岐旣從而黎服矣惟崖黎最强者
曰羅活曰抱宥曰多澗曰千家而密邇官道爲諸黎
門戶者千家也成化丁未征千家村及陵水嶺脚崗
陳那洋征後黎人懍慄見軍卽跪而歛軍眇其愚駭
無故詆之哨守等官則又凌虐因辱之何怪其未久
復叛也正德丁卯千家羅活等村復橫兵憲王繼招
撫犒賞其惡愈肆及岷山王倬至伺知其非調儋昌
崖官軍黎兵鵬剿千家村不費斗粟不遺寸鏹數日
卽歸隨諭旁崗逃入界者擒斬解報羣黎莫敢違令
賊死旣多乃下令撫定之自是崖之封內牛苗被野

盜賊絕迹此岸民所以報德立祠者也宏治十六年
瓊山知事韓俊奏言革去工舍崗首立州縣屯所量
撥在外軍民雜處在中防引闡開五指山十字道路
編立更中禁持弓矢嘉靖十九年工部郎中吳會期
復言之 黎居良民五之一宜於兵威削平之際門
通十字大路於其間大約以道里計之自府治至於
崖州千里而近自儋州至於萬州六百里而遙此四
至一經之大凡也細數之自府治至於沙灣三百里
而遙自崖州至於羅合三百里而近俱爲坦途矣度
其中未開通處不過二百里耳大集官軍屬武官領

之民兵屬有司領之士兵屬鄉保長領之通力合作
相其谿壑易以險阻假以數月而瓊崖之路可由黎
崗中行矣儋萬視此其工則又 殺焉四路交連
度中建城量地置堡就堡立屯貯食以攻則取以守
則固矣

二十八年督府都御史毆陽必進奏勦崖州昌化感
恩地方吏科給事中鄭廷鵠上言 瓊自開郡以來
迄今蓋千六百餘年無歲不遭黎賊之害然未有如
今日之慘者也蓋其蟠山踞崗其中之州縣反爲之
外捍是彼無外寇也食飽棄餘狼捩豕突至虔戮我

人民坑陷我官軍是我有內憂也其地彼高而我下
彼膏腴而我鹹鹵其勢彼聚而我散彼無有外寇而
我有內憂則州縣之兵疲於奔命何日而有息肩安
枕之地哉臣生長地方竊嘗訪之故老得之征人聞
其出戰之時人挾數矢以一當百無不應弦而倒者
矢盡力窮遂竄身荆棘中獸奔鳥伏故我軍至有臨
險歛衽而止爾故前日倡亂不遏止強石訟諸賊其
勢尙孤今連昌化感恩之寇其黨日熾若進兵非調
狼目募打手加十數萬人不可臣聞成功在勇圖揆
在謀克捷緩難經畧爲上臣嘗考今昔勦除黎患者

見二大舉焉元至元辛卯黎叛十月渡師又明年七
月深入黎巢盡空又明年春刻石五指黎婆山而還
中間雖二經變故而謀不亂卒以成功可謂捷矣但
元夷俗得則棄之猶能奏置屯田府立定安會同二
縣至今衣冠文物稱爲名邑此以知其可經畧也又
前嘉靖十九年黎叛後軍敗沒請兵討之明年大渡
師徒十二月直破其巢崖州諸崗無處不至未嘗不
大捷也但班師太早漏網數多誠有如前奏各官所
言者當時識者見賊巢德霞平荷可耕可守擬建州
縣招集新民以絕異日之患然一時失議遂爾毀

故黎賊一聞出兵相率歸巢兵散於前賊聚於

官勦能捷而不能守故也欲其今日不爲再舉之害其可得乎此以知其不經畧之爲害也故臣不患成功之不早惟患圖揆之未周不患克捷之無日惟患經畧之無術何也狼臂縱張其技有限蟻封雖密其險可夷徒以激於有司殺人無數遂以肆行無忌爾今文武之臣戮力同心一日大軍臨之勢如破竹但愿前事要在圖揆後事要在經畧務以前車爲戒庶不貽後日之悔也何謂圖揆三事崖黎地方大勢南出崖州西出感恩而北出昌化北抵凡陽黎岐東通

卷一百一

廣東八

六

郎溫嶺脚二崗二崗實出萬州陵水之衝地形外險內實坦夷賊若被攻甚急其合二崗以擾我陵水必矣爲計者先分奇兵由陵水以攻二崗彼二崗之賊自救不暇然後大兵直擣崖賊巢穴使其黨渙於東勢分於西莫知端倪自相疑惑而風霆之下悉可擒也此其所當圖揆者一也前奏又云尤惡那燕等已入凡陽構集岐賊此或有之但恐其所撫集或卽師溫嶺脚之賊也蓋此賊十九年陷我軍不數日羅活賊黨卽傳箭崖州徵納百牛抱宥賊黨卽傳箭九刃屯亦然其與之構禍通謀久矣此賊塚柵黎岐以多

方誤我或聲言搖惑以堅黎岐助逆之心皆未可知此其所當圖揆者二也黎賊原無奸細其消息動靜時出於所轄土舍故百年之禍皆土舍釀成之黎將附籍州縣百計阻撓有司或失黎心多方煽惑既成禍變又走洩軍機若使嚮導我軍遂道迂迴險阻以至陷沒如成化時之王道乾前歲之符文龍是也防杜之術不可不謹又發軍與制所貴不擾而首攻之數不可預定此則用兵之事所當圖揆者三也何謂經畧三事一曰一勞永逸之計夫黎人與賊共此土也數年一反數年一征雖往往克捷所傷多矣天地

之心並生育豈若馴以緇籠置之莊獄易介鱗而爲衣冠是誠有望於今神武之代也獻誠之後愿招集新民定以約束因其勢而利導之多興學宮禁挾弓矢使不得復爲狼豕之慾則堯舜之世尚復有黎哉尙復有反且征者哉若徒得而棄之不復經畧如前歲所爲反滋今日之禍則興兵動衆終無寧息真大鑒也二曰破方啓土之功臣按崖州輿地本自數百里也東西一百五十里有隋延德縣址東南一百三十里有唐臨川縣址東五十里有唐鎮屯縣址西一百里有漢宗羅縣址感恩東北七十里宋鎮州址

原附郭有鎮寧縣址今俱在賊中所當恢復者也况
又有德霞之膏腴千家羅治之饒足招集之後憲建
州縣因以屯田且耕且守廬其居而東西其畝又由
羅活磨漸開路以達安定自德霞沿溪水下而達於
昌化道路四達尾廬朶望井里既定豈不爲國家
增拓輿地哉三曰久任責成之道漢建武十七年馬
援旣平嶺南所至卽置城郭興水利條建封溪諸縣
又申明漢律傳爲馬將軍故事至三十年秋始還非
貴緩定之術乎愿乘此餘威震懾山谷建叅將府於
德霞聯絡州縣亦如馬援故事治城郭興水利條奏

便宜事務以鎮安人心其新附之民尙有異志者設
法遷徙之或於海北地方屯田或於附近衛所入伍
如漢徙潯山蠻七千餘口於江夏以永絕禍本徐求
仁明之長慈惠之師奏留久任以終其事其庶幾乎
瓊人萬世瞻仰在此一本臣待罪諫垣以言爲職知
而不言罪也况臣切鄉土聞見俱真言而不詳亦罪
也故致干冒天威伏望勅下二部再加詳議此
皆撫綏者之所當深長思也故詳錄之然黎尚中盤
州邑外列民雜蠻猺之異夷分生熟之殊其情狀當
諮訪而周知也

熟黎洪武初年歸附報籍在西路臨高等界則鄉音與廣西思梧等處相同東路瓊沉等界則鄉音與福建漳泉等處相同東西二路惟樂會沉邁之黎然不多與瓊山定安之黎爲易治爾凡自祖躬耕有地爲良民但因住近黎土諳曉黎俗者則納糧當差或深居黎村耕作有地與黎田交雜半在羈縻急難呼喚者則納糧不當差永樂初用監生潘隆本奏言命梧州府通判劉銘除來本府撫黎尋加知府名色專一撫黎因是謀分府權奏將周圍三千里內近山都貴版籍糧差者并累代各省從征不歸落土耕田通名

爲熟黎者悉與所屬管黎官作眼招撫生黎爲由就據以爲本營而土人借知縣縣丞等職者自比雲南廣西稱爲二官永樂十年造冊收入熟黎未報丁口報作新招驛附黎戶名爲梗化者亦納糧不當差時分州縣人民立作二萬餘戶四萬九千餘名口以致縣差奸民撥作梗化此非舊制也宣德正統以來革去撫黎知府等官而管黎知縣等官子孫不得世襲節奏勘核熟黎犯屬有司革官子孫毋得占管仍回州縣當差宏治十七年又撥作梗化其中多有詐者亦有無知之徒樂爲梗化得免差徭其儋州熟黎雖

興生黎無異然其中一半愿爲良民一半樂爲梗化
遂致謀害相殺馴至攻州陷縣大征之役誤及方面
可爲永鑒也熟黎以裏則生裏岐人也散處鷓鴣啼
居林思河羅活等三十六崗盤據五指黎婺東山之
中不時出沒劫掠附近村墟實爲心腹之疾初以熟
黎爲藩籬有土舍崗首以管束之事久玩怠反以黎
岐爲利如宏治年間符南蛇作耗損失官軍糜費錢
糧巨萬自後近黎州縣節被搶掠而萬州特甚有破
害民蕭傑玉璽等奉行查勘屢年未見完報臣嘗詢
有識士夫及老成涉歷之人皆謂其地南北約七百

餘里東西四百餘里初生黎服招者永樂四年俱赴
京朝見蒙賞仍 勅各黎首帥崗安生樂業時招
主見 勅諭全不露已乃謂生黎歸取 勅書各家
收畜以爲已物因而竊柄今革官子孫收藏者必須
追出給還其家則生黎不致土舍生事侵優得安其
生矣然臨高儋昌萬陵之黎倚山以爲勢各據強弱
互相欺臨崖感之黎酋互相角敵至於讎殺比比皆
然則黎性之常細扣其由其間有父子繼世結怨報
仇者有公孫相傳被陷未伸者有何隙乘機取利者
有應該主崗而弟姪侵奪者有所主軟弱而致欺凌

者有所主制削而激變讎官者雖有守備官軍彼云報讎莫敢誰何以此禍延省界歲無一寧皆因統者不合之故也土舍能撫遐岐以爲本等身役在有司決不可以土地人民輕易借與以長亂階此固祖宗成法不容變亂者也

土舍之先借名土官實與兩廣雲南羈縻者事體不同矧洪武舊制革去舞弊土酋主郡如陳乾當猶降徙遠郡通判兵屯子孫盡復民役或爲尙首僅授副巡檢州縣得以致之今之土舍尙首豈敢復如昔日土官之借與有司分庭抗禮哉然黷貨者反倚之以

卷一百一

廣東八

三

輸囊篋則乘機嫁禍自此始矣 正統年間革官子孫如臨高王紹祖因襲不得乃假官坐縣立萬人屯截路禁行欲謀不軌李僉事誘至杖死儋州劉秀判殺田表水西等村巡撫韓雍賞榜開諭以故鄉官同知王佐著珠崖錄拳拳在抑土舍後儋之土舍尙首搆成符南蛇之禍可不決去之哉然成化年間感恩土舍劉鑑賄囑知縣羅鉉私將近黎民人羅進錄等三十六崗撥與管甲因而故爲烏言裏體到處劫掠鄉村受害後蒙兵備副使徐公撥回村崗征除強梗前弊始除卽今數十年來貪橫之心非獨革官子孫

聿起刁奸見土舍間有衰弱竊據數畝遂自立號角
敵有本崗首今乘盛欺壓而爭權長者有本奴隸今
背主自立而稱崗首者或黎首附籍州縣而所主積
恨異已者以此互相侵奪或引誘出沒使其罪坐所
主或左道所殺俾共利致旁收選患由斯釀大非獨
一儋而已皆因此輩乘機嫁禍侵漁黎利之致也
必行查其自祖迄今所招而造冊以審之 行查土
舍崗首伊父祖所招黎人村崗至今有服管者若干
背物不服者若干某人地方抵於何人交界某村崗
原係借賃版籍糧差熟黎某村崗原係服管無役生

黎某村崗原係歷代不向化黎岐各令時常帶率崗
官如有冤枉許其訴里若有濶包霸佑他人村崗在
內者從今各要自首改正待其有功通道路以換魚
鹽而後量以冠帶給之 近時採有陽春崗其崗在
五指下東南爲郡中黎居以千計自不爲惡南有滴
池香根竹茂竹植皆係反黎西南有萬家羅活磨岸
磨魁等村東有思河等崗東南有縱橫斬兌等崗北
去定安東南出萬州陵水西北至儋州程俱六日惟
西至昌化中阻大溪須浮筏乃濟開之始通之人入
自思河僅六日前半路頗崎嶇後愈入愈險岐黎歎

奉情極卑謹其旁呼爲百姓尙者乃天順中邵賊餘黨潛往生息甚煩此皆東路此岐猶勤耕作由此觀之則無險阻可知矣

必須翻然改悟守法循規開諭黎岐各安生理不行剝削之擾不事勾引之謀則瓊崖庶其靖矣不然則湛鉞之討南蛇何其危也 湛鉞廉州衛借職指揮陞廣東都指揮僉事性英俊有文武才畧好用奇策忘其勢佐每與下官有謀者共議宏治十四年夏六月瓊郡儋州七方尙黎賊符南蛇謀殺尙首符那月占奪地方構黨反亂刻箭傳約三州十縣黎賊各皆

卷一百一

廣東八

七

領箭有同時反者有觀望成敗以爲向背者因攻圍儋州陷感恩昌化臨高三縣人民死者十七八間閭灰燹赤地數百里澄邁安定其害半之瓊州西界一千餘里道路不通海南幾危是秋九月鉞領兵討賊到瓊當見某然不信宿戒行就通至澄邁西峯驛通臨高縣走報賊首南蛇令州縣賊黨符那攬那樹約會舉縣賊黨王琳王細保等分領賊兵合萬餘刻期來攻本縣那攬等兵數千已至城下攻西北門垂陷約王珠等攻東南門兵數千亦垂陷指揮張詡領孤軍與知縣林彥修誓以死守危在朝夕邊山人民大

牛陷沒邊海者無路逃生扶老攜幼待投水死據時漢達官軍不滿三千後軍未至衆皆有懼色而賊勇氣自倍遽傳令止軍命十卒軍人作二日糧密詢賊營所在親率先事者領奇兵由間道晝夜兼程馳突臨高賊先而反遽出僭賊之後地名牽藍擣賊老營盡殺守營者百餘級賊方攻城遙聞閉聲咸歡呼相賀以爲黨與之來相應也攻城益急已而聞官軍舉砲聲驚知老營已破官軍扼其歸路遽擊衆退敵來勢洶湧賊曰賊方在死地且彼衆我寡未可迎敵觀彼大衆一退勢必不復能止宜缺圍卸出其半而

中邀殺之取威滅賊在此一舉戒軍士如令已乃躬率精銳衝斷賊陣爲二賊前後不復相顧漢達官軍從而摧之又復斬首七百餘級城內軍復出乘其後賊衆大憤散走相失軍民兵擒獲不盡藏匿草野中鄉民荷鋤奪挺殺賊無筭連六七日解繫不絕生擒賊首符那樹而那攬者先乘兇死尸捧頭竄去軍聲大振前項赴約賊徒中道聞風棄兵逃走領箭羣賊已反者舉皆奪氣退遁觀望成敗餘皆愿出聽招撫而攻劫賊首符南蛇亦遂解圍歸守窟穴賊以二千精兵破強賊萬衆救臨高一縣垂陷之城全萬家

垂死之命威風四達三州一縣莫不引領望治無何
以因晝夜兼程時沿途宿食昌雨苦戰致疾以死海
南軍民遠近相弔如喪親戚前賊明知決復處處緣
起後事難言矣
嘉靖甲午之役黎福二已虜千戶杜盛百戶楊榮非
復土舍誅其尙首功決不可成也譬則大黃附子湯
泡以制之皆良劑也可盡棄哉

雜蠻

海獠凡浮海自東西二海而來者皆是也南有八蠻曰
天竺曰咳首曰焦僂曰跛踵曰穿胸曰儋耳曰狗朝曰

卷一百四

廣東八

旁春凡此八者自有荒服以來各號不知其幾變矣周
官設象胥掌之其語言固可譯而知也然其名號之變
史不能詳惟漢明帝時天竺浮屠胡法始入中國其俗
捨身焚尸謂之荼毗至今僧學佛者猶然小民火葬效
之華風壞矣永平十七年儋耳焦僂等國貢獻由元帝
先此棄珠崖故儋耳復爲烏夷今則已屬瓊州皆中國
人居之聲名文物化於華夏無復緩肩縷頰之狀而西
北賈胡有鑠耳垂環而至者 山海經儋耳之國在大
荒北任姓號禺子食穀北海渚中郭璞汪云其人耳
大下儋垂在肩朱崖縷畫其耳亦以仿之也

熊僥在永昌徼外夷其人長三尺而諸番黑小斯或充
貢物而咳首等種大抵皆海獠也日南徼外占城以至
西域默德那國其教皆以事天爲本而無像設 其經
有三十藏凡三千六百餘卷其書體旁行於篆草楷
三法今西洋諸國皆因之又有陰陽星歷之類

其地雖接天竺而與佛異俗重殺非同類殺者不食不
食豕肉謂之回回色目教門今懷聖寺有番塔初自唐
曲輪因其上凡十六丈五尺每日禮拜者是也然亦有
占城諸國人雜其中間多蒲及海姓漸與華人結姻或
取科第宋余靖嘗言越臺之下胡賈雜居岳珂程史則

謂爲番禺海獠云 程史番禺海獠雜居有最豪者蒲
姓號曰番人本占城之貴人也旣浮海而遇風濤憚
於反復乃請於其主愿留中國以通往來之貨主許
焉船事實賴給其家歲久定居城中屋室皆侈靡逾
禁使者方務招徠以阜國計以其非吾國人不之
問故其宏麗竒偉益張而大富盛甲一時紹熙壬子
先君帥廣余年甫十歲嘗遊焉今尚識其故處層樓
傑觀晃蕩絲亘不能悉記矣然稍異而可記者亦不
一因錄之以示傳 竒獠性好鬼而尚潔平居終日相
與膜拜祈福有堂焉以記名如中國之佛而無像投

稱爲聲牙亦莫之能曉竟不知何神也堂中有碑高
袤數丈上皆刻異書如篆籍號爲像主拜者皆向之
且輒會食不置七筭用金銀爲巨槽合鮭炙梁米爲
一灑以薺露數以冰腦坐者皆寘右手於褥下不用
曰此爲觸手惟以溷而已羣以左手攫取飽而滌之
復入於堂以謝居無叟匱有樓高百餘尺下瞰通流
謁者登之以中金爲版施機蔽其下奏則鏗然有聲
樓上彫鏤金碧莫可名猶有池亭池方廣凡數丈亦
以中金通甃制爲甲葉而鱗次全類今州部公宴獠
箱之屬而大之凡用鏗錠數萬中堂有四柱皆沉水

番高貴於棟曲房使榭不論也嘗有數桂欲獻於朝
舶師以其非常有恐後莫致不之許亦卧廡下後有
宰屠塔高入雲表式度不比他塔環以甃爲大址繫
而漕之外圍而加灰飾望之如銀華下有一門拾級
以上由其中而圓轉焉如旋螺外不復見其梯磴每
數十級啓一竇歲四月舟舶將來羣獠入於塔由於
竇啁折號呼以祈南風亦輒有驗絕頂有金雞甚巨
以代相輸今亡其一足聞諸廣人始前一攻雷朝宗
濞時爲盜所取迹捕無有會市有婁人鬻精金執而
訊之良是問其所以致曰獠家素嚴人莫闖其蕃予

宿梁上三宿而至塔裏麩糧隱於顛晝伏夜緣以剛
鐵爲銼斷而懷之重不可多致故止得其一足又問
其所以然曰予之登也挾二雨蓋去其柄旣得之因
天大風鼓以爲翼乃墜平地無傷也盜雖得而其足
卒不能補以至今他日郡公以事勞宴之迎導盛飾
家人往觀余亦在見其揮金如糞土興無遺珠璣
香貝狼籍坐上以示侈懽人曰此其常也後三日以
合荐酒饌燒羊以謝大獠曰如例龍麝撲鼻奇味不
可名皆可食迴無同槽故態羊脂珍皮色如黃色酒
醇而甘幾與崖密無辨獨好作河魚疾以腦多而性

卷一 島

廣東八

李

寒故也余後北歸見藤守王君與翁諸郎言其富已
不如昔日池厦皆廢云

成化四年都御史韓雍修寺以所留達官指揮阿都刺
等十七家居之番言阿都刺爲滿洲華言師父也
達官本蒙古人雜領色目始此

番商者諸番夷市舶交易綱首所領也自唐設結好使
於廣州自是商人立戶迄宋不絕詭服殊音多流寓海
濱灣泊之地築石聯城以長子孫使客至者往往詫異
形諸吟咏宋時商戶鉅富服飾皆金珠羅綺器用皆金
銀器皿有凌虐土著者經畧帥府輒嚴懲之華人有投

元番戶者必誅無赦淳化五年二月癸卯南海商人獻
吉貝布畫海外蠻圖及猩猩圖玉帶上於北苑君臣近
觀之天聖後留寓益夥駁首住廣州者謂之番長因立
番長司大食國舶主浦希密屢貢詔賜黃金準其所貢
之值禁網疎濶夷人隨商翱翔城市至有蠻媼賣葯

投荒錄云番禺端午聞衛中喧笑訝台之乃蠻媼荷
山中異草粥富家婦女爲媚男葯者或抽金簪或耳
璫償其直

熙寧中其使辛押陀羅授懷化將軍乞統察番長司公
專詔廣州裁處其後辨告戶絕龍州志畧廣州商有

卷一百一

廣東八

李

投於戶部者回番商卒押陀羅者居廣州數十年矣
家資數百萬緡本獲一童奴返海遂養爲其子陀羅
近歲還番爲其國王所誅所養子遂主其家今有二
人在京師各持數千緡皆養子所遣也此於法爲戶
絕謹以告李公擇旣而爲留狀而適在居部官謂予
曰陀羅家貲如此不可失也予呼而詢之曰陀羅死
番國爲有報來廣州耶曰否傳聞耳陀羅養子所生
父母所養父母有在者耶曰無有也法告戶絕必於
本州縣汝仍以告於戶部曰戶部於財賦無所不治
曰此三項皆違法汝姑狀此三不當吾貸汝其人未

服告之曰汝不服可出詣御史臺尙書省劾之其人乃服并召養子所遣二人謂之曰此本不預汝事新以召汝者恐人忘搖撼汝耳亦責狀遣之然郎中終以爲疑予曉之曰彼所告者皆法所禁不訴於廣州而訴於戶部者自知難行欲假戶部之重以動州縣耳郎中乃已

遂立番坊夷人有居瓊管者立番民所 投荒錄瓊管夷人食動物凡蠅蚋草虫蚯蚓盡捕之入截竹中炊熟破竹而食頃年在廣州番坊獻食多用糖蜜腦麝有魚翅雖甘香而腥臭自若也惟燒笋一味可食先

公至北邊曰供乳粥一盤甚珍但沃以生油不可入口諭之使去油不聽因諭令以他器貯油使自酌用之乃許自後遂用淡粥大率南食多鹽北食多酸四夷及村落人食甘中州及城市人食淡五味中只苦不可食

洪武初令番商止集舶所不許入城通番者有厲禁止德中始有夷人私築室於番澳者以便交易每房一間更替價至數百金嘉靖三十五年海道副使汪柏乃立客綱客紀以廣人及徽泉等商爲之三十八年海寇犯潮始禁番船商及夷人毋得入廣州城

俚賊在廣州之南蒼梧鬱林合浦寧高涼五郡中央地
方數千里村落長帥恃在山險不用王法自古及今民
俗蠢愚惟知貪利無有仁義道理不愛骨肉而貪寶貨
及牛物若是賈人有財物及水牛者便以其子易之夫
或鬻婦兄亦賣弟父子別業父貧乃有質身於其子者
有負其家債不持還者其中子弟愚者謂曰我爲汝取
錢汝當善贖我耳卽折野葛根數寸徑到債家門下謂
曰汝負我錢不肯還我因食野葛死於門下其家便稱
冤宗族人衆集其家曰汝不還我錢而殺我子弟今自
當繫汝債家慚懼因以牛犢財物謝之數十倍死家乃

收屍去不以爲恨刻木以爲符契言誓則至死不敗最
貴銅鼓鑄初成懸於庭中置酒以招同類來者有豪富
子女以金銀爲大釵執以扣鼓因遣主人各爲納鼓釵
風俗好殺多構讎怨互相攻擊輒鳴此鼓集衆列者如
雲有是鼓者極爲豪強號爲都老羣情推服本於舊
事尉佗於漢時稱蠻夷大長老故俚人猶呼所尊者
爲倒老也言訛又稱都老云

所異於瓊尚者以雜於諸蠻故也然人能識之俚人則
質直尙信諸蠻則勇敢自立皆重賄輕死惟富爲雄巢
居崖處盡力農事大抵輕悍易怨以變唐韓愈送鄭

權尙書序嶺之南其州七十其二十二隸嶺南節度
府其四十餘分四府府各置帥然獨嶺南節度爲大
府大府始至四府必使其佐啓問起居謝守地不得
卽賀以爲禮歲時必遣賀問致水土物大府帥或道
過其府府帥必戎服左握刀右屬弓矢幘首袴鞬迎
郊及旣至大府帥先入據館帥守屏若將趨入拜庭
之爲者大府與之爲讓至一再乃敢改服以賓主見
適位執爵皆興拜不許乃止虔若小侯之事大國有
大咨而後行隸府之州離府遠者至三千里懸隔山
海使必數月而後能至蠻夷悍輕易怨以變其南州

皆岸大海多洲島風帆一日掉數千里漫瀾不見踪
迹控馭失所依險阻結黨仇機毒矢以待將吏撞搪
呼號以相和應蜂屯蟻集不可爬梳好則人怒則獸
故常薄其征入簡節而疏目時有所遺漏不究切之
長養以兒子至紛不可治乃草薙而禽獮之盡根株
痛斷乃止其海外雜國若耽浮羅琉球毛人夷亶之
州林邑扶南真騰於陀利之屬東南際天地以萬數
或時候風潮朝貢蠻胡賈人舶交海中若嶺南帥得
其人則一邊盡治不相寇盜賊殺無風雨之灾水旱
厲毒之患外國之貨珠香象犀玳瑁奇物溢於中國

不可勝用故選帥常重於他鎮非有文武威風知大體可畏信者則不幸往往有事長慶三年四月以工部尙書鄭公爲刑部尙書兼御史大夫往踐其任鄭公常以節鎮襄陽又帥滄景德棣歷河南尹華州刺中皆有功德可稱道八朝爲金吾將軍散騎常侍工部侍郎尙書家屬百人無數畝之宅僦屋以居可謂貴而能貧爲仁者不富之效也及是命朝廷莫不悅將行公卿大夫士苟能詩者咸相率爲詩以美朝政以慰公南行之思韻必以來字者所以祝公成政而來歸疾也

卷一百

廣東八

五

自嶺以西俚人漸貧至或粥藜於市 投荒錄南海新州俚人男婦皆美鬚髮每沐以灰投流水中執水以沐以豕膏滋其髮至五六月稍禾熟民盡鬻粥於市復取豕膏塗定至來年又可粥也

自蜆岡以南瀕海種蔬水上爲圃 玉堂閑話廣州番禺縣嘗有俚民牒疏云前夜亡矢蔬圃今見在某處請縣宰判狀往取之詰之則云海之淺水中有海藻之屬風沙積焉其根厚三五尺因懇爲圃以植蔬夜爲人所盜盜之百里外若浮筏故也

婦女不知蠶績惟治庖廚 投荒錄嶺南俚俗不教女

子紡績針黹但教之善庖廚治醢醢或責之則曰我
女裁袍補襖則灼然不會若滌治水蛇黃鱔一條必
勝一條聞者絕倒

村市多有屠婆解牛之投荒錄南海解牛多俚婦謂之
屠婆屠娘皆縛牛於大木執刀數之曰某時率汝耕
田不得其時乘汝渡水不即行今何以免死即斬之
及作變則無論男婦皆能軍之

莫徭者自荆南五溪而來居嶺海間號曰山民蓋槃弧
之遺種本徭獠之類而無酋長隨溪谷羣處斫山爲業
有採捕而無賦役自爲生理不屬於官亦不屬於嶺首

卷一百一

廣東八

矣

故名莫徭也嶺南海北人呼爲白衣山子欽廉邇來亦
有墾田輸稅於官愿入編戶者蓋教化之漸也

疍戶者以舟楫爲宅捕魚爲業或編蓬溺水而居謂之
水闌見水色則知有龍故又曰龍戶齊民則自爲疍家

晉時廣州南岸周旋六十餘里不實服者五萬餘戶皆
蠻蠻雜居晉書陶璜上疏自唐以來計丁輸課於官洪武初編

戶立里長屬河泊所歲收漁課然同姓婚配無冠履禮
貌愚蠢不諳文字不自記年歲此其異也東莞增城新
會香山以至惠潮猶多 惠州志疍長又稱疍家里長

其種不可志考之秦始皇使尉屠睢統五軍監都鑿

河通道殺西甌王越人皆入叢薄中與禽獸處莫肯
爲秦意者此卽叢薄之遺民耳宋蘇子瞻有蠻烟羣
雨之句今在歸善者皆土著服食與平民類婚姻亦
畧與下戶相通但其籍則繫河泊所在與寧者春編
屬縣下六都立其中甲首甲以領之然課類猶稱可
泊焉曰蠶民乃水居者之船只支漿衣不蓋膚討舟
納課猶且代販赴亡者彼蠶長每稱課料則通同族
人稱債主計日行利每錢一文明日二文又明日四
文雖至百文猶不能已於是每每爲盜推厥原由族
人里長罪之魁也嘉靖申知府李玘已設法嚴禁潮

州志潮州蠶人有姓麥洪吳蘇自古以南蠻爲蛇種
觀其蠶家神宮蛇象可見世世以舟爲居無土著不
事耕織唯捕魚裝載以供食不通土人婚姻嶺東河
海在在有之本縣舊立一戶明初置河泊所轄之歲
貢魚課米洪武二十四年籍其戶爲南廟里甲輸糧
之外惟供船差不事他役

至雷瓊則少廣中近年亦漸知書或登陸附籍與良民
同編亦有取科第者矣然閭門多爲勢家所奪蠶民亦
行劫盜番禺沙灣東莞布衝新會金堤門至奇獨澳
每蠶船一大小九爲一甲客軍至卽九小并爲一艘

魚鮮不受卽戰官軍盤之則行尙書主事據文近日清查土豪所占皆退出在官造冊守爲有力者總領他日合於倭寇可占矣

盧亭亦曰盧餘在廣州城東南百里以採藤蠟爲業男女皆椎結於項男婦女許人及嫁始結胸帶相傳爲蘆繡遺種故名裸體能伏水中數月此其異於蜃而類於魚者也 月山叢談晉賊蘆繡兵敗入廣其下從舟以逃居海島上久之無所得衣食生子孫皆亦身謂之蘆亭嘗下海捕魚充食其人能於水中伏三四月不死蓋化爲魚類也其捕魚使人張罾則數人下水引

卷一百四

廣東八

矣

羣魚入罾內旣入引繩示之則舉罾并其人以上亦有破大魚吞者正德中香山縣獲一人驚以爲異執以赴官將以上聞或識之同此蘆亭也蓋其人入水時偶值颶風不能起潛游數月至香山見罾以爲已地乃坐其中爲人所獲初獲言語不通久之曉漢語詢之信然

馬人本稱邑鬻隨漢馬援流寓銅柱後隨衆來附者也始十戶後孳衍至三百皆姓馬其人深目緘喙散居嶺落中獻歲時至軍府聽令搖犗不與同羣自爲一種今亦不可復辦矣

唐韓愈詩衙時龍戶集
上日人來謂元且也

烏蠻烏滸之蠻能噉人者也。在南海郡之西南安南郡
統司之北。裴淵廣州記。任晉興。今南寧鎮南關。
石損子產國生首子輒解而食之。謂之宜弟。味旨。則以
遺其君。君喜而賞其婦。娶妻美。則讓其兄。其國有烏蠻
灘焉。其後國廢於漢。建武中。民各爲族。常取翠羽採珠
爲產。又能織斑布。可以爲帷幔。以鼻飲水。口中進噉。如
故。當交廣之界。恒出道間。伺候二州行旅。有單途革者。
輒出擊之。利得人食之。不貪其財貨也。地有棘厚十餘
寸。破以作弓。長四尺餘。名孤弩。削竹爲矢。以銅爲鏃。長
八寸。以射急疾。不凡用也。地有毒蒺。以傳矢。金入則撻。

卷一高

廣東八

充

皮視未見瘡。顧盼之間。肌肉便皆壞爛。須臾而死。尋問
此蒺云。取諸虫有毒螫者。合著管中。燥之。既爛。因取其
汁。日煎之。如射肉在其內地。則裂外。則不復裂也。烏滸
人便以肉爲殽俎。又取其髑髏。破之以飲酒也。其伺候
行人。有小矢。輒出射之。若人無挾者。便止。以火燔燎。食
之。若人有伴。相挾。不容得食。力不能盡。擔去者。使鋤取
人手足。以去。尤以人手足。掌蹠爲珍。共以節。長老出得
人。歸家。合聚隣里。懸死人中堂。四面向坐。擊銅鼓。歌舞
飲酒。稍就割食之。春月。方田。尤好出索人。貪得之。以祭
田神。其後稍變。族類同姓。有爲人所殺。則居處伺殺主。

不問是與非遇人便殺以爲肉食也楊孚記之云爲南
裔異物云

鬼奴者番國黑小廝也廣中富人多畜鬼奴絕有力可
負數百斤言語嗜慾不通性淳不逃走亦謂之野人其
色黑如墨唇紅齒白髮鬢面黃有牝牡生海外諸山中
食生物采得時與火飼食之累日洞洩謂之換腸比或
病死若不死卽可久畜能曉人言而自不能言有一種
近海者入水眼不眨謂之崑崙奴唐時貴家大族多畜
之永樂四年婆羅國東王西王各遣人來朝以黑小廝
充貢物 海洛圓目黃睛性能專惑木食如猿祿近州

卷百四

廣東八

卅

火淚曰死出暹羅

番蠻嶺海隨在皆有之以刀畊火種爲名者也衣服言
論漸同齊民然性甚狡黠每田熟報稅與里胥爲奸里
胥亦憑依之近海則通番入崗則通獠凡田墾礦場有
利者皆糾合爲匿以欺官府其害慘於甲兵廣惠雷廉
罹其毒螫而事不發者里胥庇之也按周官土訓掌道
地圖以詔地事道地隱以辨地物而原其生以詔地求
謂昔有而今無似利而實害者皆爲地隱 惠之歸善
海豐廣之雙善香山皆有銀鑛番蠻招集惡少投托
里胥假爲文移開礦取銀因行劫掠如香山縣恭常

都雞柏村銀浦角宋初產銀取上供屬廣州宜祿場
大觀中廣東廉訪使黃烈奏言礦內苗脉微甚而浮
沉之人以納官爲名發設民田騷動邀叛詔罷宜祿
場令官封之違禁者誅越三百年人無敢發者正德
中順德豪民勾引勢家糾集逃賊及白水賊徒僞捏
朝旨執照乃開礦採煎村民初猶拒之其後力不能
勝盡被屠僇而淫其妻女使供炊爨每歲得銀漸至
千餘兩嘉靖甲辰苗脉已盡賊徒乃散然其地雞犬
桑柘亦俱盡矣邇來海寇滋多皆此曹也又南三竈
止抵海洋番國有田三百餘頃極其膏腴玉粒香美

甲於一方在宋爲黃異上下二圍元時海寇劉進據
之洪武初屬黃梁籍居民吳進滋通番爲亂二十六
年都指揮花茂奏討平之悉遷其餘黨詔虛其地
除豁田地永不許畊歲令官軍千人防守正德中南
池世家以新會虛稅影占亡命之徒附之招合番蠻
立爲十里聚衆盜畊嘉靖十五年該都里排贖爲已
業已而有錢備者素通番舶倚強占奪與番蠻勒耕
僞立文案與里排分上下圍管業知縣鄧遷申明上
司丈量餘田歸官歲收租穀歸預備倉里排與通盜
番蠻仍復侵據號召海寇大爲民害焉

誦訓道堂方志以詔觀事掌道方慝以詔避忌以知地俗謂毒蠱之類皆爲方慝

周官庶氏掌除毒蠱以攻說禳之嘉草攻之其禍之來久矣粵地山林川澤之阻虎狼虺蝮雖或害人然毒莫如胡蔓蠱莫如葯鬼者胡蔓草也葉如茶其花黃而小一葉入口百竅潰血人無復生邇來品彙益盛花葉異常不獨郊外雖邑內在在有之兇民將取以毒人則招搖若喜舞然真妖物也或有私怨者茹之呷水一口則腸立斷或與人鬪置毒於食以斃其親誣以人命者有之知縣鄒驗嚴加禁約乃少悛云藥鬼者愚民造蠱取利

卷二

廣東八

七

取百虫置器經年視獨存者能隱形與人爲禍隋志載其法五月五日取百種虫大者至虫小者至虱合置器中令自相啖餘一種存之蛇則曰蛇毒虱則曰虱毒行以殺人因食人入腹內食其五臟死則其產移入蠱主之家三年不殺人則蓄者自踵其弊累世子孫相傳不絕亦有隨女子嫁焉凡屋宇淨無塵烟者卽其鬼所爲也又有挑生於飲食中魚肉果菜皆可挑入中其害者胸腹絞痛十日其蠱能動腫脹如瓮九孔流血而死初中蠱嚼以黑豆不醒易以白礬其甘如飴治之以歸魂散雄硃丸在胷膈急宜飲麻

油及益蜜冬瓜生或田鼠差驗嶺南衛生方治胡蔓
草毒急取抱卵未出雞子細研和以清油漱口灌之
乃吐而甦其蠱毒挑生存上鬲者用胆礬半錢投在
熱茶內候鎔化服之以雞翎攪喉令吐其下鬲者鬱
金末二錢飲湯洞下卽瀉出至於麻藥富室誘小民
置酒中飲後昏不知人貨財皆被奪去然醒後不死
亦惡物也

愚如畚鬻而齊民效之是在有司加意禁治而已

飛頭獠者嶺南溪峒中往往有飛頭者故有飛頭老子
之號頭將飛一目前頸有痕匝項如紅縷妻子遂看守

卷一百一

廣東八

三

之其人及夜狀如病頭忽生翼脫身而去乃於岸泥尋
蟹蚓之類食將曉飛還如夢覺其腹實矣一日占城有
尸頭蠻者本是婦人但無瞳人爲異其婦與家人同寢
夜深飛頭而去食人穢物飛回復合其體卽活如知而
封固其項或移體別處則死矣人有病老臨窆時遭之
妖氣入腹必死此婦人亦罕有民間有而不報官者罪
及一家番人戲之觸弄其頭必有生死之恨蓋卽飛頭
蠻也又有鑿齒花面白衫赤裊之屬不可勝數

論曰俚戶其猶有樸畧之風乎重契符結信約毫髮
弗爽雖士人不過也使撫得其道則盡人版圖久矣

始也土著奸宄授官與縣抗雖盡革去而其子孫指其舊屬猶曰吾百姓也染其風者亦凌役下戶如奴隸然俾不得與齊民齒此殊崖錄裁抑土舍實根本之論也昔者商大節嘗爲予言婺嶺之役深入其阻不用嚮導則清樾馬道曠若無人少駐待炊箭從葉出其發如雨雖狼達亦莫能禦避謀諸土舍使探路乃行故獨不肖得全師而歸由此觀之可盡革哉擇而用之招諭有功然後官之必如洪武末年止授副巡檢則受制州縣雖奸宄無所售矣今也彼雖弗售而州縣非人嚴刑峻罰肆其饕餮或爲鼯鼠甘口以駿削膏脂者有之或爲飢狼要物以血人於牙者有之趨事兵憲日逐逐馬塵憶影間部使輒止雷陽惟呈手冊而文卷皆匿焉雖有張弛平反未之或遵也恐其悞活笑與秩終此族內地且然矧珠崖之荒乎故婺嶺之叛貪戾激之也嗟乎雜蠻可化也彼何人斯不可化也誠令長吏皆循則交趾至今 藩司也婺嶺遐地人奚叛之有

海寇

明朝洪武四年五月海寇鍾福全李夫人等寇海晏下川等地廣州左衛僉事楊景追捕至陽江平之 福全

偽稱總兵與李夫人徐仙祐等叛於海晏下川大儋
丈持等地景卽令指揮范懷率舟師剿捕至陽江海
陵山并上川驚惶門遇賊船二百艘擊敗之

十四年海寇饒隆作亂邑人蕭子明捕之 海陽縣三
饒賊首饒隆起程鄉縣萬安都人蕭子明募民兵追
捕之

二十年海寇周二作亂邑人蕭子明討平之 安遠縣
賊首周三寇程鄉縣吳指揮率兵駐於境縣官遣子
明領民兵協力討平之又黃壽山曾必長於水樂中
聚眾山海剽掠揭陽人民旋討平之

二十六年八月命安樂侯吳傑永定侯張全率致仕武
官往廣東訓練沿海衛所官以備倭寇

永樂七年四月海賊阮 寇劫長熱林虛二巡司焚廨
舍毀砦柵而去巡海副總兵李珪遣雷州衛官軍追擊
敗之獲賊船二十七艘生擒賊屬男婦一百六十八人
年冬十二月倭寇陷廉州教授王翰死之九年三月倭
寇攻陷昌化殺千戶王偉命副總兵指揮李珪等討之
廣東都指揮使司奏比倭賊攻陷昌化千戶所王俸
等戰敗被殺軍士死者甚眾城中人口倉糧軍器皆
被劫掠而副總兵指揮李珪及南海衛所遣領兵指

揮千百戶徐茂等初不嚴兵備禦賊至又不救援賊去亦不追剿罪當死 上曰此不可宥姑令捕寇贖罪如寇不獲皆斬

十九年正月辛巳珪於潮州靖海適遇倭賊與戰殺波賊衆生擒十五人斬首五顆并所獲器械悉送北京 戊子兵部言廣東都指揮李端捕倭失機已就逮

上命選能幹官往率兵禦倭

二月辛丑命都督僉事胡原充總兵官都督僉事梁銘都指揮使薛山爲副率原調廣東都司所屬官軍五千人巡捕倭寇正統十二年海寇陳方甯作亂潮陽知縣

卷一百四

廣東八

七

劉源洪禦之 漳州海寇陳方甯攻劫潮陽知縣劉源

洪旁城扞禦

十四年八月海賊從黃蕭養攻廣州城不克後蕭養伏誅海賊皆遁 景泰二年四月海賊寇掠海豐新會叅政謝祐遣指揮張通攻走之 天順二年五月廣東副總兵都督同知翁信奏海賊四百餘徒犯香山千戶所燒燬備邊大船其遣指揮張通總督不嚴致失機乞正罪章下都察院請逮問如律別委武臣代之 上曰通罪本難容但今用人之際姑宥之仍合殺賊以贖前罪十一月 廣東備倭都司指揮同知張通按察司僉事

謝獻及官軍十人俱一級百二十五人賞有差以新獲海賊故也七月海寇嚴啓盛寇香山東莞等處巡撫右僉都御史葉盛討平之先是啓盛生死因漳州府越獄聚徒下海爲患嚴殺官軍拘留都指揮王雄至廣東復殺總督備倭都指揮杜信至是招引番船駕至香山沙尾外洋盛廉其實會同鎮守廣東左少監阮能巡按御史呂益命官軍駕大船衝之遂生擒啓盛餘黨悉盡海患始平

三年海寇羅劉寧作亂潮州府知府謝光討平之羅劉寧程鄉盜也天順中作耗海陽甚爲猖獗知府謝

卷一百一

廣東八

七

光討平之

海寇黃于一林烏鐵等作亂潮州知府周宣討平之

黃于一林烏鐵魏崇輝俱海寇爲亂正統中首亂五年殺敗海陽官軍益肆掠劫所過無不殘害知府周宣以奇計誘烏鐵等而誅之于一等益肆亂劫掠揭陽縣治巾下夏嶺等二十四村皆被脅從當道檄宣捕賊宣親督兵據險扎營凡七所與賊相拒四十餘日擒賊渠魁餘賊不敢出宣謂盜魁旣得餘可撫而下也乃出榜令鄉民陳驥等入賊中張挂而自詣賊營撫諭各賊皆釋甲羅拜乞降且訴從賊非本心皆

出於被脅不得已因遍歷各村放回被擄男婦三十
三名口拘收大海船一百五十艘撫過從良民一千
二百三十七戶繼而山賊羅劉寧等復集眾入海爲
亂燒劫惠州府興寧長樂等縣當道復檄宣捕賊宣
潛合從良民黃伯良等出其不意搗其巢穴大破其
巢俘斬陳聰馬信歐瓊等并獲妖婦羅法娘羅劉寧
母妻與其男真子等六百六十名奪得名賊馬五十
匹取匪各府被擄男婦揚呵孫等一百二十一口時
湯田黃寒等處皆從賊省臣欲乘勝盡滅之宣謂脅
從罔治乞貰免其得復等戶七千全活命數萬賊平

卷一百

廣東八

共

當道以宣漳人漳潮相密邇捕盜互相藏匿難以行
事奏改朝宣宣聞命卽日就道民遮留不得相與涕
泣乃築二百餘人赴闕上疏乞留宣疏未上而新
任太守出京矣旣而海寇復大亂攻圍縣治劫行屠
民殺死指揮劉琛通判劉恭又掘破海堤淹沒軍民
房屋萬餘區城門盡閉官吏束手無策鄉儒陳驥等
白當道曰事亟矣必令周守復來其事乃定因其書
請宣宣慨然而來人悅軍民胥慶宣白當道開城門
納逃難諸良民府縣學舍寺觀及官廊曠閑處所皆
所栖宿病者給醫藥死者給棺槨貧乏不能自存者

皆設法賑濟之潮人大悅當道欲遽發兵宣曰彼雖
爲賊良心猶存况未窺其虛實萬一損吾威重則事
去矣不如先招之招之不服發兵未晚也乃出榜約
日招降至期各賊駕船數百艘來皆被堅執銳渠魁
服色僭擬侯王宣謂曰若等旣欲從良何爲乃爾於
是皆投戈釋甲去僭服相與羅拜宣爲慟哭衆人亦
哭當是日車騎親詣賊巢因而遍歷二十四村且慰
且諭歸被擄男婦七百餘人賊船三百餘艘送當道
處悉燒燬之其未有燬者皆鑿沉之海濱有神祠賦
卜神以爲從違旣約日八降而復猶豫宣問之曰卜

神不吉宣夜抵神祠告曰民欲從良神何爲告以不
言再告不吉是神不知有順逆吾當別作處分矣次
日賊復往卜報曰吉然賊雖得吉卜而終猶豫曰使
人覘之團營結砦如故宜告當道曰賊可滅矣欲降
而猶豫衆不爲用矣遂出兵一鼓而滅之潮地悉平
事聞朝廷遣官賣表裏賞勞廝役以下而并及之

四年海寇魏崇押作亂僉事毛吉等討平之 魏崇輝
許萬七竊據海陽下嶺等村與程鄉山寇羅劉寧黃
呵山聲勢相倚民罹其害 毛吉知縣陳爵奉命

討平

宏治中海寇蘇孟凱作亂潮州知府葉元玉討平之
蘇孟凱饒平人宏治中聚眾山林以革卜為名因而
劫村海陽村落民罹其害者數年知府葉元玉討平
之

正德二年海寇朱秉英作亂官軍滅之 上漳溪賊首
朱秉英林傳聚眾劫掠大埔縣鄉村燒燬神前市奏
聞總督府檄胡僉事黃指揮裘知府等官征勦殄滅
地方稍寧

五年海寇陳良玉等作亂安遠侯柳文討平之 賊首
陳良玉梁世昌張士錦等嘯聚山林行鄉縣義化石

卷四

廣東八

今

窟等都擾害鄉邑總兵官安遠侯柳文等督兵討平
之

六年海寇李四仔等作亂都御史林廷選討平之 賊
前李四仔黃鏞張時旺嘯聚石窟義化松厚等都寇
亂汀漳惠潮正德七年總督右都御史林廷選總兵
官安遠侯柳文總鎮太監潘忠等督兵討平之

十二年海寇黃白眉等作亂平之 清遠都箭灌賊首
黃白眉雷震賴英等作亂流劫福建漳泉地方二省
奏聞總督府調兵檄守巡張叅議僉事黃都指揮征
勦地方始平

嘉靖元年海寇邱泥金作亂平之 邱泥金饒平人嘉
靖中作亂流劫海陽鄉村撫盜通判周箕討平之
二年福建賊流劫惠潮提督都御史張嶺總鎮太監韓
慶總兵官撫寧侯朱麒討平之 先是福建上杭賊
首江小范四等集徒構亂糾合隣界江西安遠廣東
程鄉大賴梁八尺黃萬山賴廉等流劫漳泉官兵追
賊突劫程鄉等縣鄉村至是嶺等計發漢達土官目
兵打手二千餘名委達官都指揮李翔嶺分分巡僉
事施卿右叅議孫懋守備都指揮楊懋分道與福建
官兵夾攻俘斬五百餘名顆地方始平

五年海寇曾阿三作亂平之 曾阿三程鄉人寇掠海
陽數年嘉靖中知府張景暘平之

十年海賊黃秀山等亂提督兵部右侍郎兼右僉都御
史林富總兵咸寧侯仇鸞討平之 秀山與鄰國璽皆
東莞縣民乘船出海勾集潮惠雷廉閩浙亡命屯據
海洋倭自稱號東西二路沿海鄉村居民商船屢被
其害至是富等嚴督海道副使江良材嶺南分守左
叅議王積副使楊漉嶺東分守右叅議翁磐守備都
指揮王蘭分守雷廉高肇左叅將程鑒總督備倭都
指揮陸桓調集兵船分道把截夾攻俘斬首從二百

餘名賴秀山等戮於市海道始寧

十一年海賊許折桂等亂提督兵部侍郎兼左僉都御史陶諧總兵咸寧侯仇鸞撫平之折桂與陳邦瑞曾本亮周廣等皆東莞等縣民先是從黃秀山等出海為盜秀山伏誅折桂等屯交阻執曾本亮等殺之折桂等復回聚黨沿海剽掠拒敵官兵為害日熾至是諧等督青海道副使楊濂兵備僉事莫相統領官兵俘斬首從五十九名賴生擒周廣等戮於市而折桂乞降首送違禁器物船隻八官歸還脅從被擄一千七百餘眾海道始清

三十三年提督兩廣兵部侍郎鮑象賢總兵官征蠻將軍定西侯蔣傅討平廣東海賊先是賊首何亞入鄭宗興等潛從佛大坭國糾合番船前來廣東外洋及沿海鄉村肆行劫掠殺擄人財拒傷官兵脫往福建等處收納叛亡數千湊同陳老沈老王明王五峯卽王直徐碧溪卽徐銓及方武等分道流劫浙江嘉杭寧紹台溫一帶地方均受其害亞入等仍又遁向廣東地方打劫軍門督行巡海副使汪柏委指揮王沛黑孟陽等統領兵船分東西哨隨往剿捕王沛擒獲何亞入等於廣海三州環共計一百一十九名斬級

二十六顆溺水燒死不計餘黨駕船脫走四散劫掠
新會賊首東文柏等乘機突起嘯聚千餘隨即撲滅
撫其脅從三百餘人而徐銓方武等又自福建流劫
突至於潮又爲黑孟陽所破斬徐銓於海其各道守
巡兵備等官督并官兵陸經於潮州柘林崗砂烏猪
洋新會雷瓊等海而擒斬賊黨共計一千二百餘名
顆俘獲賊屬奪回被擄人口各有差何亞入鄭宗興
方武鄭時傑等俱解軍門斬於市海島始平初海南
柵有天妃廟凡放洋往還皆敬事之且降箕神驗亞
入欲寇廣州城往禱令二童子扶箕久不降亞入躬

卷一 廣東八

全

身拜告禱乃降書一死字亞入大怒斷神首并執二
童子殺之其黨知其必敗矣比行所居大船包以牛
革用防官軍潛鑿故是船定每聞鑿聲曉霧溟濛天
明不霧及兵至猶以爲所遣賊徒得掠而歸遂至於
敗亞入東莞人

三十七年正月壬午倭寇自漳泉入揭陽縣劫掠官軍
擊敗之復攻劫饒平縣破黃岡民鎮提督都御史王鈞
至潮州調集漢達狼兵打手鄉夫副使林懋舉僉事經
彥案叅將鍾坤秀知府李春芳各帥師大敗其衆俘馘
無算倭寇退走 先是嘉靖壬子倭寇初犯漳泉僅二

百人真僞十之一餘皆閩浙通番之徒頂前剪髮而
椎髻向後以從之然髮根下斷與真倭素禿者自有
異戰雖同行退各宿食此其異也徽人王直號五峯
者始爲倭經紀後統率往浙破黃岩尙書黃綰家以
報私怨遂至寧紹蘇松大掠焚殺甚慘總制集潮貴
鉤刀手及廣州打手擊敗之直遂就擒其黨毛老許
老等遁入舟山至是犯潮州大船一十三艘其徒八
百餘人大都皆漳泉溫紹產也突入揭陽縣大家并
村劫財殺人房屋盡燬至蓬州千戶所從崩城擁入
城中殺死百戶李日芳等報至海道副使林懋舉先

卷一百一

廣東八

論

往潮州提督都御史王鈞調集漢達官兵并募廣州
新會順德打手未至知府李來豫集鄉夫禦之及僉
事經彥家叅將鍾坤秀統督官兵至共擒斬真倭從
倭共一百七十名顆鄉夫之功居多狼兵沿途恣肆
官目不能制馭徒張聲勢而二十月甲子誘賊三百
餘徒自焚其舟登岸攻劫磚頭北塔等村大肆焚掠
寺備指揮楊璽被殺凡官軍斬獲必奪其尸去不得
伐功璽因伐功致死報聞廣城戒嚴三司往請軍門
移鎮已而寇集海豐縣潭衝土賊從倭行劫洋尾四
村焚掠男婦死者數千人哭聲遍野懋舉彥家多方

禦之民恃以無恐已而倭酋率眾千餘自漳州突入
饒平縣攻劫黃岡民鎮破其城入居之彥案坤秀及
春芳鄉夫與官兵并力擒斬一百四十六名顆三十
八年二月道軍門駐潮州軍威大振肇廣府同知呂
天恩與監督協謀沿海鄉夫皆賈勇擒斬益多寇自
饒平間過趨揭陽縣圍其城彥案以兵救之寇皆敗
走南洋滂鄉夫尤勇斬倭酋金益甲者一人其眾大
敗俘獲無算及彥案報罷僉事殷從儉代之制 乘
勝每戰皆捷黃岡鎮團聚者悉出遁走還閩於是軍
門遂歸蒼梧奏以坤秀統師守之

三十八年十月乙丑倭寇復入潮陽縣叅將鍾坤秀會
安察副使張子宏嶺東分守叅議馮臯謨僉事殷從儉
統督官兵禦之屢敗其眾會提督王鈞擢南京都察院
右都御史兵部侍郎鄭綱代爲提督卽檄官軍嚴討三
十九年二月海道副使鄭維誠至四月殷從儉報罷嶺
東分巡僉事齊遇到又屢敗之 倭賊先在福建和平
詔安二縣乃饒平黃岡鎮隔界屯聚時守將鍾坤秀
領原調南丹州官族莫喜目兵一千九百餘人指揮
陳鶚領原調田州報效官族黃真目兵一千人於鎮
平險要茅山分水旱二路防截三十八年六月倭報

漸近會委百戶朱鉞領募兵五百人鎮撫羅萬麟領團操打手三百人協守俱以指揮馮良佐統之復調備倭指揮高拱部領官軍及鎮撫余盛領募兵共七百餘防守黃岡鎮城通行各縣諭令小民歸并大村起集父子丁夫互相防守其附郭人民俱移入城內仍行饒平大埔各集鄉夫委官部領把截要害狼兵秋毫無犯僉事從儉卽治以軍法所至肅然十月乙丑蓬州所報倭船二艘約賊三百餘人從潮陽海口焚船登岸掠劫錢岡村水哨備倭指揮孫敏擊斬倭級二顆十一月庚午又有倭賊十餘從招甯巡司河

渡磊門登岸同海賊許老等三百餘徒攻海門所城官軍用銃箭擊死倭賊數多壬申日兵莫善等追至石牌水陸并進并孫敏又擊敗之賊遁還和平丙子許老等自海門所至潮陽縣南縣丞范楠鄉等率兵壯鄉夫擒斬十九名顆并接濟陳林世嚴四名奪回被虜二十餘名口賊遁回和平合夥丁丑又有賊三千餘徒分三哨從饒平分水關至黃岡鎮城外高拱各府衛署印通判翁夢鯉指揮李熊知縣熊靈林叢穆率兵截捕已卯賊屯於南洋灣馮良佐統目兵黃真莫善分爲二哨千戶黃昇等領各募兵打手合

爲一哨南洋三灣諸鄉兵又協助之擒斬三十八名
顛奪獲接濟三名并被擄人口贓仗馬驢等物乃捨
船而犇聚於關望港口官兵進至楓洋對岸甲午賊
出揭陽蓬州都外沙相焚掠官兵擒獲七名顛有陣
亡者隨募兵及烏打背大家井村鄉夫協勦之而提
督交代新令益嚴守備指揮陳學翦亦至武生詹宏
道等亦督兵獲功十二月己亥賊往寇隴外莆都官
都雷獲二十名顛會庠生謝弋鳳家一百名爲軍門
取用以千長蕭善文領之援例典膳秦金製造火葯
子母砲九龍鎗神枝箭各數百枝亦領兵至辛丑賊

自和平營於赤寮村劫揭陽棉湖寨軍民發目兵五
百餘人令學翦截捕丁未新倭賊自福建雲霄突入
黃岡余盛哨禦之互有殺傷賊遁往東嶺戊申賊自
關望出營往彩塘官軍斬獲二十七名顛甲寅新倭
合關望大縣官兵營於源頭塘湖適海道副使鄭惟
誠至會督水路官軍指揮武尙文部領兵船亦至張
子空固司己未賊自關望出劫官軍目兵鄉夫共斬
獲并獲奸回共六十七名顛秦金領鄉大打手一千
人乃起集三灣鄉夫一千人多給葯銃協同防捕甲
子軍門發目兵六百人打手三百人續至賊自繇湖

砦突往蘆清官軍生擒從倭土賊二名并馬一匹三十九年正月癸酉賊移營往潮陽貴山都屯府縣督鄉夫及官軍斬獲十一名顯秦金等官兵用銃擊死數多丁丑武尙文水兵斬獲六名顯賊又移營於古城官軍追之乙酉四鼓賊船自關望港口往南灣登岸攻圍危急秦金兵及鄉夫用銃砲火箭擊死尤多官軍急援赴協力大戰自寅至午擒斬二千七百七十三名顯賊潰走渡河官兵于英謝弋鳳及鄉夫邀擊之擒斬七十四名顯俘內有自嚼舌死者餘俘及被虜譯字小厮胡器解赴軍門戊子賊出營祭江誓

與南洋灣復讎武尙文等官兵擒斬五十二名顯于英等擒斬四十二名顯鄉夫斬獲六級其在古埕者斬獲一級壬辰賊在關望者土營修船官軍擒斬二十四名顯甲子賊自古埕出劫官軍擒斬二十一名顯二月戊戌賊復回和平沙嶺官軍斬獲一級奪回被虜男婦數十人已酉賊遁徙至大窰橋目兵邀擊之斬獲頗多戊午賊分哨四百餘徒乘馬一百十餘匹守備兵劫之擒斬三名顯賊大潰官軍乃得乘勝成功凡俘馘八百有奇被虜走回者二百餘人獲賊馬十餘匹器仗無算四月般從儉致仕疏允適嶺東

巡僉事齊遇至與海道叅將會師擒斬三百六十名
夥餘賊悉遁

按東莞南頭城古之屯門鎮乃中路也縣有烏艚船
號子弟兵者東西二路防守莫不用之舊規每歲春
末夏初風汛之期通行督發沿海府衛所縣巡捕備
倭等官軍出海防禦倭寇番船巡撫定議動支布政
司軍餉銀五千兩給發東莞縣貯候支用雇募南頭
福永西鄉等處驍勇兵夫與駕船後生共一千五百
名查取烏艚船每年三千隻分撥一千名駕船二十
艘分兵於南頭海澳及佛堂門伶仃洋等處又撥五

卷五

廣東八

九

百名駕船十艘往高雷廉等處緊關海澳俱領各備
倭官員部領防禦巡緝每月支給工食銀六錢口糧
三斗於附近倉分關支若非調遣不給口糧如不敷
於潮州府民壯七百八十三名數內二百八十三名
工食銀兩征解東莞縣貯候雇募支用其五百名工
食銀兩行該府委官選募本處慣經水戰打手與駕
船後生共五百名工食口糧照前數就與大城所關
支查取海陽等縣艘船往柘林等處海澳協同東路
備倭官軍防守前項船俱驗裝載如十萬以上給銀
一兩五錢十萬以下給銀一兩東莞縣雇募於軍餉

銀內支用海陽等縣船隻於該府庫貯無碍官錢支
領俱待九月終旬風濤寧息海洋無事方纔掣散

嘉靖十四年按察僉事吳木本議以東路柘林溪爲
瀕海要害精選兵夫以中路海道咽喉用六百各東
路爲門戶用三百各西路頗靜用二百各四月初旬
上班九月無事掣班定以柘林爲堡以阻寇變蓋兵
貴精而不貴多食宜預而不宜匱儲選有常而兵食
必足戰守有據而要害必備則三路之海防不爲虛
設矣然前此柘林民吳大等已嘗聚眾劫掠惠潮沿
海居民被害甚慘嘉靖五年潮州衛指揮賴俊始督

卷一百

廣東八

卒

民兵驅滅之是寇非外至也海濱獨信寧都黃芒諸
村猶爲僻遠居民接濟番舶劫掠行舟遇荒猶甚嘗
拒敵官兵勢甚猖獗方議大征分巡僉事雍瀾至仍
行招撫之令檄知縣羅允凱往開諭之置舍學立保
約擇其子弟十餘人聚於邑庠於是海表盜賊日消
然海賊嘗劫蕭廷昌矣禽獲大半皆潮陽之主著也
別漳人先以糴穀爲名而奸民因爲之市賄結軍哨
以卵翼之而土著豪強利其貨物交通啓衅豈能盡
察哉 中路佛堂門十字冷水角老萬山冷竹潭屯
門雞栖海澳最多故用六百各東路雖柘林變寧而

海豐長沙碣石等處亦宜巡緝故用三百名西路頗
爲僻靜故用二百名若倭寇有警增募四百名以足
一千五百之數潮州民壯工食於本府軍餉給支兵
夫惟選三百名餘留守城有警則雇增二百名以足
原額五百之數每船四艘一官統之每月更替仿
南京操江事體將三路兵船編號定甲使船水手教
以接潮迎風之法凡長兵短兵弓矢弩射必常時演
習使之出入往來如神海道官嚴加比練以行賞罰
仍通行各縣責令沿海居民各於其鄉編立船甲長
船甲副長副不拘人數惟其船之多少一依十門牌

內循序應當船上各懸字號若比字號者長副鳴鑼
追逐備倭官毋得多帶兵壯下鄉查點總小甲及捕
魚船取執結以索銀兩有假稱巡河總甲生事嚇騙
者俱行嚴究凡沿海居民量地隨宜起蓋敵樓互相
防守一遇有警前後策應凡捕魚小船各在本港不
許駕出外洋若遠出不回者地方報官治以接濟之
罪

癸丑八月海賊數十艘來寇揭陽兵鄉夫追殺自排
山至大井僅馘十餘而被擄男婦多溺死蓋兵非不
養不得地利故也兵法曰置之死地而後存又曰無

恃其不來恃吾有以待之打手狼兵虛名而已烏鱧
船子弟兵皆自中路首擒何寇子弟兵俗呼蔡仔
其商販類類淮海鹽徒而無對障相刦之惡何亞八
亂時諸縣報効益因二寇阻其商販之路也知縣何
价不許及海道用之素熟地利竟從指揮王浦擒亞
八成其功

南洋灣鄉夫今在東路屢勝真倭南洋灣鄉夫所
居背水正如韓信背水陣置之死地而後存者不拚
命敵愾必爲寇所殲故能往往取勝此東路所用之
兵也

卷一百四

廣東八

七

此皆所宜素養者也編號定甲更番作息無事則隨
宜農商以養其財聽用則時使休閒以養其力有
則預給工食隨宜釀酒以養其氣而威惠相濟務得
其心有不戰戰必勝矣此經畧之上計也

